

潛

夫

論

潛夫論卷第五

蕭山汪繼培

斷訟第十九

五代不同禮三家不同教非其苟相反也蓋世推移

而俗化異也

史記秦始皇紀李斯曰五帝不相復三代

漢書武帝紀元朔六年詔曰朕聞五帝不相復禮三

代不同法所繇殊路而建德一也韓安國傳王恢曰

臣聞五帝不相襲禮三王不相復樂非故相反也各

因世宜也匡衡傳衡上疏曰臣聞五帝不同禮三王

各異教民俗殊務所遇之時異也數家語意相襲而

文或少異淮南子齊俗訓云世異則事變時移則俗

易修務訓高誘注俗化異則亂原殊故三家符世當

推移猶轉易也御世見敘錄撫世見忠貴三式德化篇皆革定法

管子正世篇云古之所謂明君者非一君也其設賞
有薄有厚其立禁有輕有重迹行不必同非故相反
也皆隨時而變因俗而動商子更法篇云伏羲神農
教而不誅黃帝堯舜誅而不怒及至文武各當時而
立法因事而制禮禮法以時而定制令各順其宜壹
言篇云聖人之爲國也不法古不修今因世而爲之
治度俗而爲之法故法不察民之情而高祖制三章
立之則不成治宜於時而行之則不于高祖制三章
之約漢書高帝紀元年召諸縣豪傑曰與父老約法
三章耳殺人者死傷人及盜抵罪服虔曰隨輕
重制也孝文除克膚之刑漢書文帝紀十三年除肉刑
法也支體刻肌膚終身不息何其刑之痛而不德是故自
也克與刻通說文云克象屋下刻木之形李奇注云
非殺傷盜賊傷人有曲直盜賊漢書高帝紀李奇注云
定故凡文罪之法輕重無常各隨時宜要取足用勸
言抵罪而已漢書刑法志云漢興高祖初入關約法
三章曰殺人者死傷人及盜抵罪獨削

煩苛兆民大說其後四夷未附兵革未息三章之法
不足以禦姦於是相國蕭何據秦法取其宜於時
者作律九章循吏黃霸傳張敞云漢家承敞通變
造起律令卽以勸善禁姦條貫詳備不可復加夫

制法之意若爲籓籬溝塹以有防矣楚語云爲之關
籓籓籬而遠備

閉之塹當作塹說文云塹阨也周禮雍氏春令爲阱
獲溝瀆之利於民者鄭注阱穿地爲塹所以禦禽獸

擇禽獸之尤可數犯者而加深厚焉今姦宄雖衆然

其原少君事雖繁然其守約知其原少姦易塞見其

守約政易持舊作治据
下文改塞其原則姦宄絕臨鐵論申
韓篇云塞

亂原而天下治大戴禮盛德篇云刑罰之所從生有
源不務塞其源而務刑殺之是爲民設陷以賊之也

施其術則遠近治今一歲斷獄雖以萬計漢書董仲
舒傳云一

歲之獄以萬千數鹽鐵論申
韓篇云今斷獄歲以萬計然辭訟之辯說文云辨
臯人相與

訟也辯治也從
言在辨之間
鬬賊之發鄉部之治獄官之治者漢書

也錯傳云其狀一也本皆起民不誠信而數相欺給

朕師書堯乃自上古患之矣故先慎已喉舌唯詩烝

之喉舌以元示民元當為玄德之玄荀子正論孔子

曰亂之所生也則言語以為階易繫辭小人不恥不

仁不畏不義繫辭脉脉規規玉篇云脉脉姦人視也

漢書東方朔傳云跂跂脉脉善緣壁顏師古注脉脉

視貌莊子秋水篇云規規然自失釋文云規規驚視

與規同規規見小之貌按莫莫然眊眊然楊倞注眊

常懷姦唯以姦詐王侍郎云唯疑眊姦眊猶恣眊

味冒前利不顧廉恥襲廿六年左傳云楚王是故味

戎狄冒沒輕僂貪而不讓味冒猶冒沒也漢書匈奴

傳云單于咸棄其愛子昧利不顧說苑正諫篇云吳

王欲伐荆舍人少孺子曰園中有樹其上有蟬蟬高

居悲鳴飲露不知螳螂在其後也黃雀延頸欲啄螳螂而

不知彈丸在其下也此三者皆欲得其前利而不顧

其後之有患也鹽鐵論結和苟且中字脫一後則榆解

篇云登得前利不念後咎奴抵為榆蓋偷之誤解讀以致禍變者比屋是也非唯

奴抵為榆蓋偷之誤解讀以致禍變者比屋是也非唯

細民為然自封君脫舊王侯貴戚豪富尤多有之假舉

驕奢以作淫侈高負千萬不肯償責小民守門號哭

啼呼曾無怵惕慙怍哀矜之意崔實政論云今官之

百工及從民市輒設計加以誘來之器成之後更不

與直老弱凍餓痛號道路守闕告哀終不見省孟子

云皆有怵惕惻隱之心書呂荀崇聚酒徒無行之人

刑云皇帝哀矜庶獄之不辜

史記酈生傳云吾高陽酒徒也淮陰侯傳云始為布衣時貧無行漢書五行志谷永云崇聚票輕無誼之人以為傳空引滿舉白孟康曰舉白見驗飲酒盡不

私客也傳空猶啁啾罵詈焉禮記三年問云猶有啁啾之頃舉白也

文選長笛賦李善注引蒼頡篇云啁啾聲也史記魏豹傳云漢王慢而侮人罵詈諸侯羣臣如罵奴耳

晝夜鄂鄂慢游是好問晝夜頡頏按頡鄂聲相近幽

州人謂頡頏為鄂或毆擊責主人舊作於死亡羣盜攻見釋名釋形體

剽劫人無異公史記酷吏傳云義縱少年時嘗與張次

攻剽椎埋劫人作姦晉書刑法志雖會赦贖不當復

陳羣新律序云舊律盜律有劫畧雖會赦贖不當復

得在選辟之科而州司公府反爭取之且觀諸敢妄

驕奢而作大責者必非救飢寒而解困急振貧窮而

行禮義者也咸以崇驕奢而奉淫湏爾

成二年左傳云淫湏毀常

詩蕩云天不湏爾以酒釋文引

春秋之義責知誅率

韓詩云飲酒閉門不出客曰湏春秋之義責知誅率

王侍郎云公羊桓五年葬陳桓公何休注云不月者

責臣子也知君父有疾當營衛不謹而失之也襄二

十五年吳子謁伐楚門於巢卒何休注云昭二十六年尹氏

所不知故與巢得殺之是責知也昭二十六年尹氏

召伯毛伯以王子朝奔楚何休注云立王子朝獨舉

尹氏出奔并舉召伯毛伯者明本在尹氏當先誅渠

率後治其黨是誅率也繼培按後漢書孔融傳云漢

律與罪人交關三日已上皆應知情即責知之意鹽

鐵論疾貪篇云春秋刺譏不及庶人責其率也漢

書孫寶傳云春秋之義誅首惡而已皆用公羊說孝

文皇帝至竄動欲任德然河陽侯陳信坐負六月免

國月舊作日史記高祖功臣侯年孝武仁明周陽侯

表云坐不償人責過六月奪侯

田彭祖坐當軹侯宅而不與免國漢書外戚恩澤侯表作田祖坐當歸

軹侯宅不與免此脫歸字史記惠景間侯者年表亦作彭祖軹侯作章侯誤表無章侯軹者薄昭所封國

也黎陽侯邵延坐不出持馬身斬國除除舊空据程本史記惠景

間侯者年表作犁侯漢書功臣表作黎侯並無陽字此蓋與周陽相涉而誤邵史漢並作召漢書顏師古

注云時發馬給軍匿而不出也按武帝紀元狩五年天下馬少平牡馬匹二十萬食貨志云車騎馬乏縣

官錢少買馬難得通著令封君以下至三百石吏以差出牡馬持馬蓋特馬之誤特馬即牡馬周禮校

人凡馬特居四之一鄭司農云四之一者三牝一牡二帝豈樂以錢財之故子

徐無鬼篇云錢財而傷大臣哉乃欲絕詐欺之端不積則貪者憂

王尊傳云絕必國家之舊法防禍亂之原漢書金日

詐欺之路必國家之舊法防禍亂之原漢書金日

國大綱開禍亂原春秋繁露度制篇云凡百亂之源皆出嫌疑纖微以漸寢稍長至於大聖人章其疑者

別其微者絕其纖者不得嫌以蚤
防之聖人之道衆隄防之類也
以利民也故一人

伏正罪而萬家蒙乎福者聖主行之不疑永平時後

明帝紀元諸侯負責輒有削細之罰此其後皆不敢負民

而世自節儉訟自消矣史記平津侯傳後載王元

之序得而骨肉之恩親爭訟之原息漢書楚元王傳

劉向封事云崇推讓之風以銷分爭之訟消與銷同

今諸侯貴戚或曰字勅民疑己之誤慎行德義無違

制節謹度孝經未嘗負責身絜規避王先生云規避當

漢書馮衍傳衍說志厲青雲淮南子或既欺負百

姓上書封租願且償責後漢書孝明八王傳云梁節

相舉奏暢不道暢慙懼上疏辭謝不敢復有所橫費

也此乃殘掠官民掠與畧同而還依縣官也依讀為

史記絳侯世家索隱云縣官謂天子也所以謂國家

為縣官者夏家王畿內縣即國都也王者官天下故

也官其誣罔慢易文漢書武帝紀元鼎五年樂通侯

樂大坐誣罔是也說文云嫂侮易也經典通作慢

大戴禮子張問入官篇云慢易者禮之所以失也罪

莫大焉叔孫氏使亂大從罪莫大焉孝經曰陳之以

德義而民興行示之以好惡而民知禁今欲變巧偽

以崇美化息辭訟以閒官事者莫若表顯有行白虎

雍篇云顯有痛誅無狀晏子春秋諫下導文武之法

能褒有行明詭詐之信疑今侯王貴戚不得浸廣下有姦宄遂

多豈謂每有爭鬪辭訟婦女必致此乎亦以傳見凡

諸禍根不早斷絕

韓非子初見秦篇云削迹無遺根

陳饒曰椎破故印以絕禍根

則或轉而滋蔓

隱元年左傳人疑若

斯邪

疑也

是故原官察之所以務念

昭六年左傳云明察之官

臣主

之所以憂勞者

越語范蠡曰為人臣者君憂臣勞

其本皆鄉亭之所

治者大半詐欺之所生也

漢書刑法志云原獄刑所

法不明民多貧窮豪桀務私姦不輒得獄故曰知其

原少則姦易塞也見其守約則政易持也

姦宄遂多

一篇末蓋總結

或婦人之行貴令鮮絜

詩采蘋鄭箋云

順自潔清鮮絜猶言潔清荀子宥坐

今以同適矣無

顏復入甲門

適下當有乙字古人稱人以甲乙韓非

子用人篇云罪生甲禍歸乙此其例也

澤方論

周禮司刺疏云甲
乙者興喻之義
縣官原之
周禮司厲疏云漢時名官為縣官非謂州縣也

故令使畱所既入家必未昭亂之本原
亂上當有治字說見述救

篇不惟貞絜所生者之言也
詩南有喬木鄭箋云賢女雖出遊流水之上人

無欲求犯禮者亦由貞絜使之然
蛩貞女不二心以
竦箋云淫奔之女大無貞絜之信

數變
史記田單傳論王蠋曰貞女不二心故有匪石之
二夫成三年左傳云無有二心

詩
柏舟不枉行以遺憂
詩斯干云無父母詒罹毛傳罹憂也鄭箋云無遺父母之憂史

記韓安國傳帝謝太后曰兄
弟不能相教乃為太后遺憂故美歸寧之志
詩葛覃

箋云君子待己以禮庶自此可以寧父母
父母毛傳寧安也父母在則有時歸寧草蟲一許不

改蓋所以長貞絜而寧父兄也其不循此而二三其

德者
詩此本無廉恥之家不貞專之所也
詩關雎窈窕淑女毛

傳幽閒貞專之善女文選顏延年秋胡詩李善注引
薛君韓詩章句曰窈窕貞專貌列女傳宋鮑女宗云
婦人以專一為貞梁寡高行傳頌云貞專精純史
記秦始皇紀會稽刻石云有子而嫁倍死不貞若

然之人又何醜恡也恡與悋同輕薄父兄淫僻婦女

禮記經解云婚姻之禮廢則夫婦之道苦而淫
辟之罪多列女傳周主忠妾傳頌云主妻淫僻不惟

義理苟疎一德借本治生史記貨殖傳云善治逃亡

抵中史記孟嘗君傳馮驩云不足者雖守而責之十

上則為君好利不愛士民下則有離上抵負之名周
禮朝士凡屬責者以其地傳而聽其辭鄭注屬責轉

責使人歸之而本主死亡歸受之數相乎當作卒屬
抵冒者也抵中之抵義與抵負抵冒同乎下讀乎卒

字形相近儀禮士冠禮啐禮以致於刳腹芟頸滅宗
鄭注啐古文為呼此其比也

之禍者呂氏春秋順說篇云刈人之頸何所無之先

王因人情喜怒之所不能已者則為之立禮制而崇

德讓舊說不字鹽鐵論散不足篇云宮室與馬衣服

故聖人為之制度以防之禮記坊記云禮人所可已

者則為之設法禁而明賞罰韓非子五蠹篇云明今

市賣勿相欺婚姻無相詐非人情之不可能者也是

故不若立義順法遏絕其原書呂刑云遏絕苗民管

其志意毋初雖慙慙於一人然其終也長利於萬世

使民幸周語云王天下者必先諸民然後底焉則能長小懲

而大戒易繫辭下傳此所以全小而濟頑凶也小下

人字易曰此夫立法之大要漢書陳萬年傳顏師必

小人之福也古注大要大歸也

令善人勸其德而樂其政邪人痛其禍而悔其行

昭

一年左傳云上之人能使諸一女許數家雖生十子

更百赦勿令得蒙一還私家則此姦絕矣不則髡其

夫妻徙千里外劇縣

漢時有劇縣平縣之目見乃可後漢書安帝紀永初元年

以毒其

舊作者据何本改

心而絕其後

說苑政理篇云刑者懲惡而禁後者也

姦亂絕則太平興矣

史記秦始皇紀云欲以興太平漢書路溫舒傳云太平之風可

興於又貞絜寡婦或男女備具財貨富饒

漢書地理志云民以

富饒欲守一醮之禮

禮記郊特牲云壹與之齊終身不改故夫死不嫁鄭注齊謂共牢而

食同尊卑也齊或為醮列女傳蔡人之妻曰適人之

道壹與之醮終身不改宋鮑女宗云婦人一醮不改

陳寡孝婦成同穴之義

詩大車云死則同穴

執節堅固

列女傳齊孝孟

姬頌云孟姬好禮執節甚公漢書齊懷必死列女傳

賈捐之傳云守道堅固執義不回齊懷必死列女傳

序云惟若節義必死無二召南終無更許之慮列女傳

申女傳云守節持義必死不往終無更許之慮列女傳

夫人云人生要一死而遭值不仁世叔爾雅釋親云

已終不以身更貳醮

生為世父後無義兄弟或利其娣幣漢書陳平傳云

生為叔父無義兄弟或利其娣幣

以聘聘或貪其財賄淮南子覽冥訓高誘注云齊之

與娣同或貪其財賄寡婦無子不嫁事姑謹敬姑無

男有女女利毋財令母嫁婦婦益不肯正此類也詩

氓云以爾車來以我賄遷毛傳賄財遷徙也鄭箋徑

以女車來迎我我所有財遷徙就或私其兒子則

女也貪其財賄奪之使不得遷矣

彊中欺嫁桓九年紀季姜歸於京師穀梁傳云為處

彊中欺嫁桓九年紀季姜歸於京師穀梁傳云為處

迫脅遣送人有自縊房中飲藥車上莊卅二年公羊

而飲傳云季子和藥

絕命喪軀孤捐童孩此猶迫脅人命自殺也命

之當

爲令漢書景十三王傳云河間王元追脅凡七或後
人令自殺又云趙王元追脅自殺者凡十六人
夫多設人客威力脅載守將抱執說文云將扶也將
傳孝景王皇后傳云女迷匿扶將出拜連日乃緩與
後漢書列女陰瑜妻傳云扶抱載之
疆掠人爲妻無異史記陳丞相世家云曾孫何坐畧
婦人軟弱廣韻云輓柔也軟俗史記貨殖傳云妻子
漢書王尊傳軟弱按輓軟蓋便之別體說文云便弱也
又作更弱 猥爲衆疆所扶與執迫幽阨連日後雖
欲復修本志嬰絹漢書司馬遷傳云嬰金鐵受辱顏
班固論云素車嬰組嬰絹師古注嬰繞也史記秦始皇紀後
猶嬰組卽上云自縊也 吞藥下有脫文何本增
晚矣二字大誤

衰制第二十

無慢制而成天下者

王先生云慢疑憲形近之誤

三皇也畫則象

而化四表者五帝也明法禁而和海內者三王也

白虎

通五刑篇云聖人治天下必有刑罰何所以佐德助治順天之度也故懸爵賞者示有所勸也設刑罰者明有所懼也傳曰三皇無文五帝畫象三王明刑襄廿九年公羊傳何休注引孔子曰三皇設言民不違五帝畫象世順機三王肉刑揆漸加行賞罰而齊萬應世黠巧姦偽多疏云孝經說文

民者治國也君立法而下不行者亂國也臣作政而

君不制者亡國也

管子明法篇云所謂治國者主是道明也所謂亂國者臣術勝也是

故民之所以不亂者上有吏吏之所以無姦者官有

法

商子斡今篇云法平則吏無奸

法之所以順行者國有君也君之

所以位尊者身有義也

義下舊衍身有二字無也字商子君臣篇云古者未有君

臣上下之時民亂而不治是以聖人列貴賤制爵位立名號以別君臣上下之義地廣民衆萬物多故分

五官而守之民衆而奸邪生故立法制爲度量以禁之是故有君臣之義五官之分法制之禁不可不慎也

義者君之政也法者君之命也按下文云法也者先王之政也令也者

者己之命也此有脫誤人君思正以出令而貴賤賢愚莫得違

也則君位於上而民氓治於下矣管子法法篇云政者正也正也者所以

以正定萬物之命也是故聖人精德立中以生正明正以治國故正者所以止過而逮不及也任法篇云

生法者君也守法者臣也法於法者民也人君出令而

也君臣上下貴賤皆從法此謂大治

貴臣驕吏弗順也則君幾於弑而民幾於亂矣商子

篇云處君位而令不行則危五官分而無常則亂法制設而私善行則民不畏刑君尊則令行官修則有

常事法制明則民畏刑法制不明而求民之行令也不可得也民不從令而求君之尊也雖堯舜之智不

能以夫法令者君之所以用其國也君出令而不從

是與無君等

藝文類聚五十四引申子云君之所以尊者令令之不行是無君也故明君慎

令主令不從則臣令行國危矣

尹文子大道篇云公

御覽六百卅八引崔實政論云君以審令為明臣以

奉令為忠故背制而行賞謂之作福背令而行罰謂

之作威作威則人畏之作福則人歸之夫威福人主

之神器也譬之操莫邪執其柄則人莫敢抗失其柄

則還見夫法令者人君之銜轡筆策也

淮南子主術訓云法律度

害也

量者人主之所以執下釋之而民者君之興馬也若

而不用是猶無轡銜而馳也

使人臣廢君法禁而施已政令則是奪君之轡策而

已獨御之也愚君闇主

荀子臣道篇云闇主惑君

託坐於左而姦

臣逆道

史記李斯傳云兼行

執轡於右此齊騶馬繻

所以沈胡公於具水

繻舊作傳楚語云昔齊騶馬繻以胡公入於具水古書需字多

作焉與專相似貝水水經注巨洋水篇引國語作具

水云袁宏謂之巨味王韶之以為巨蔑亦或曰胸滿

皆一水也而廣其日焉元和夏孝廉宋羊叔牂所以

文肅云具巨胸聲相近則作具是也

弊華元於鄭師宣二年左傳按僖十年傳倣而莫之

能御也楚語云遭世之亂而莫之能禦也章昭注禦止御與禦同是故陳恒執簡

公於徐州哀十四年左李兌害主父於沙丘楚策孫

兌用趙餒主父於沙皆以其毒素奪君之轡策也毒

上事詳史記趙世家文言故曰臣弑其君子弑其父非一朝一夕

之故也其所由來者漸矣由變之不蚤變也王易故

字蚤變作早辨古字並通用由變是故妄違法之吏

之變舊作辯蓋後人以王本改之妄造令之臣不可不誅也議者必將以為刑殺當不

用而德化可獨任

漢書董仲舒傳云天道之大者在陰陽陽為德陰為刑主殺而德

主生是故陽常居大夏而以生育養長為事陰常居

大冬而積於空虛不用之處以此見天之任德不任

刑也王者承天意以從事故任德教而不任刑此非

刑者不可任以治世猶陰之不可任以成歲也此非

變通者之論也非叔世者之言也

變通注見述赦篇王先先生云叔當作

救昭六年左傳子產曰吾以救世也繡培按漢書元

帝紀云見宣帝所用多文法吏以刑名繩下當侍燕

從容言陛下持刑太深宜用儒生宣帝作色曰漢家

自有制度本以霸王道雜之奈何純任德教用周政

乎且俗儒不達時宜好是古非今使人眩於

名實不知所守何足委任此文意與彼同

不過堯舜而放四子

書堯典

盛德不過文武而赫斯怒

詩皇矣

詩云君子如怒亂庶遄沮君子如祉亂庶遄已

巧言

是故君子之有喜怒也蓋

舊作

以止亂也故有以

誅止殺以刑禦殘

商子盡策篇云以殺去殺雖殺且可也以刑去刑雖重刑可也

夫治世者若登丘矣必先躡其昇者然後乃得履其

高

禮記中庸云譬如登高必自卑

是故先致治國然後三王之政乃

可施也道齊三王然後五帝之化乃可行也道齊五

帝然後三皇之道乃可從也且夫法也者先王之政

也令也者已之命也

呂氏春秋國道篇云令者人主之所以爲命也

先王之

政所以與

舊脫

衆共也已之命所以獨制人也

呂氏春秋處方

篇云法也者衆之所同也商子修權篇云法者君臣之所共操也權者君之所獨制也

君誠能

授法而時貸之布令而必行之則羣臣百吏莫敢不

悉心從已令矣

漢書成帝紀建始四年詔曰公卿已大夫其勉悉心願師古注悉盡也

晉夫論

卷五

七
海樓雜本

令無違則法禁必行矣故政令必行憲禁必從而國
不治者未嘗有也此一弛一張以今行古以輕重尊
卑之術也管子重令篇云凡君國之重器莫重於令
卑則國危故安國在乎尊君尊則國安令輕則君卑君
平嚴罰罰嚴令行則百吏皆恐罰不嚴令不行則百
吏皆喜故明君察於治民之本本莫要於令故曰虧
令者死益令者死不行令者死留令者死不從令者
死五者死而無赦惟令是視故曰令重而下
恐禮記雜記孔子曰一弛一張文武之道也

勸將第二十一

太古之民淳厚敦朴上聖撫之恬澹無爲素問陰陽
應象大論
云聖人爲無爲之事樂恬憺之能按說文恬憺並訓
安澹則憺之假借亦作淡莊子肱篋篇云恬淡無爲
體道履德簡刑薄威不殺不誅而民自化此德之上

也德稍弊薄耶心孳生次聖繼之觀民設教易觀作

舊作坐古作字與坐相近為誅賞以威勸之既作五兵又為之憲

以正厲之商子更法篇云伏犧神農教而不誅黃帝

因事而制禮禮法以時而定制令詩云修爾輿馬弓

矢戈兵用戒作則用遯蠻方抑今詩興作車戈作戎

說文云遯故曰兵之設也久矣襄廿七涉歷五代以

迄於今迄治要國未嘗不以德昌而以兵彊也史記

序律書云非兵今兵巧之械史記律書云其於兵械

不彊非德不昌尤史記律書云其於兵械所重正義云內成日

器外成曰械械謂弓矢戈矛戟漢書藝文志論兵

書云技巧者習手足便器械積機關以立攻守之勝

也盈乎府庫禮記樂記云車甲鉶而藏之府庫曲禮

兵甲之處也月令云審五庫之量御覽一百九十一引蔡邕月令章句云五庫者一曰車庫二曰兵庫淮南子時則訓云七月官庫高誘注庫兵府也說文云庫兵車藏也孫吳之言聒乎將耳韓非子五蠹篇云境內皆言兵藏孫吳之書者家起有之漢書藝文志兵家吳孫子兵法八十二篇吳經音義廿引蒼頡篇云聒謹語也一切然諸將用之進戰則兵敗退守則城亡韓非子五蠹篇云出兵則軍敗退守則城拔是何也哉曰彼此之情不聞乎主上勝負之數不明乎將心孫子謀攻篇云知彼知己百戰不殆始計篇云主孰有道將孰有能天地孰得法令孰行兵眾孰強士卒孰練賞罰孰明吾以此知勝負矣商子戰法篇云兵起而程敵政不若者勿與戰食不若者勿與久敵眾勿為客敵盡不如擊之勿疑故曰兵大律在謹論敵察則眾勝負可先知也六韜兵微篇太公曰勝負之徵精神先見明將察之士卒進無利而自退無畏治要無自字按晉語

梁由靡論慶鄭云不聞命而擅進退犯政也又云戰而自退後不可用此自退之證或云台卽而之駁文讀學篇亦此所以然也夫服重上阪治要作嘆誤楚以而爲自此所以然也夫服重上阪策汗明日夫驥之齒至矣服鹽車而上太行中阪遲延負轅不能上漢書鼂錯傳云上下山阪出入溪澗中國之馬弗與也出馳千里莊子秋水篇云騏驎驂驪一日而馳千里步驟馬之禍也然節馬治要作騏驎王先生云節馬馳騁馬之禍也然節馬當是良馬涉下節士而誤樂之者以王良足爲盡力也良以王良治要作以御者呂氏春秋知士篇云今有千里之馬於此非得良工猶若弗取良工之與馬也相得則然後成譬之若枹之與鼓夫士亦有千里高節死義此士之先登陷陣千里也能使士行千里者其惟賢者也赴死嚴敵民之禍也然節士樂之者以明君可爲効死也史記貨殖傳云壯士在軍攻城先登陷陣卻敵斬將奪旗前蒙矢石不避湯火之難者爲重賞

使也韓詩外傳十下莊子曰節士不以辱凡人所以生楚策張儀曰法令既明士卒安難樂死

肯赴死亡而不辭者舊脫非為趨利則因以避害治要補

也管子明法解云人臣之行理奉命者無賢鄙愚智非以愛主也且以就利而避害也

皆然顧其所利害有異爾不利顯名則利厚賞也賞

作實史記魯仲連傳云此兩計者不避恥辱恥舊作

顯名厚實也下文亦云榮名厚實則避禍亂也非此舊脫四者雖聖王不能以要

其臣慈父不能以必其子管子形勢解云民之所以

所以加施於民者厚也故上施厚則民之報上亦厚

上施薄則民之報上亦薄故薄施而厚責君不能得

之於臣父不明主深知之故崇利顯害以與下市韓

子難一云臣盡死力以與君市君垂爵祿以與臣市

君臣之際非父子之親也計數之所出也說苑復恩

篇云君臣相與以市道接君恩祿以待之臣竭力以報之逮臣有不測之功則主加之以重賞如主有超異之恩則臣使親疎貴賤賢鄙愚智皆必順我令乃必死以復之

得其欲

商子賞刑篇云所謂一賞者利祿官爵搏出於兵無有異施也夫故愚知貴賤勇怯賢不

肖皆盡其胸臆之知竭其股肱之力出死而為上用也

是以一旦軍鼓雷震旌

旗竝發

說苑指武篇子路曰鐘鼓之音上聞於天旌旗竝發說苑指武篇子路曰鐘鼓之音上聞於天旌

秋期賢篇云野人之士皆奮激競於死敵者豈其情用兵也鼓聲則似雷

士皆奮激競於死敵者豈其情

厥久生而樂害死哉

史記司馬相如傳喻巴蜀檄云人懷怒心如報私讐彼豈樂死

惡生非編列之民而與巴蜀異主哉害治要作空按作空是也史記仲尼弟子列傳子羔謂子路曰出公

去矣而門已閉子可還矣毋空受其禍漢書高帝紀頃伯夜馳見張良具告其實欲與俱去毋特俱死蘇

林曰特但也顏師古曰但空也空死而無成名乃義士且以徼其名

徼舊作徼治

要改徵與下求字同義說苑說叢篇云人激於名不

毀為聲激言於不言其漢書揚雄傳云不修廉隅以

徵名當世顏師古注徵要也字或作貪夫且以求其

激激發也按激亦字誤顏說非也

賞爾淮南子兵畧訓云夫人之所樂者生也而所憎

死也然而高城深池矢石若雨平原廣澤白

刃交接而卒爭先合者彼非輕死

而樂傷也謂其實信而罰明也

今吏從軍敗沒死

公事者以十萬數上不聞弔唁嗟歎之榮名下又無

祿賞之厚實商子壹言篇云民之從事死制也以上

云將川民力者則節士無所勸慕庸夫無所貪利韓

祿賞不可不重也

子六反篇云厚賞者非獨賞功也又勸一國受賞者

甘利未賞者慕業是報一人之功而勸境內之眾也

欲治者何此其所以人懷沮解舊作解掘治要改鹽

疑於厚賞

迫近胡寇沮心內解必為巨患漢書趙充國傳云不

欲沮解之顏師古注沮壞也欲壞其計令解散之不

肯復死者

據治要補

也軍起以來暴師五年

史記蒙恬傳云暴師於外

十餘年

典兵之吏將以

舊作下據治要改

千數大小之戰歲十

百合

漢書高帝紀云旦日合戰蕭何傳云多者百餘戰少者數十合

而希有功歷察

其敗無他故焉皆將不明於

據治要補

變勢而士不勸於

死敵也

孫子地形篇云將不能料敵以少合眾以弱擊強兵無選鋒曰北六韜奇兵篇云將不明

則三軍大傾管子法法篇云民不勸勉不行制不死節則戰不勝而守不固兵法篇云賞罰明則勇士勸

也其士之不能死也乃其將不能效也言賞則不與

言罰則不行

效當作故韓非子初見秦篇云自及在前斧鑕在後而卻走不能死也非其士

民不能死也上不能故也言賞則不與言罰則不行賞罰不信故士民不死也又難二云趙簡子圍衛之

郭郭鼓之而士不起簡子投枹曰烏乎吾之士數弊也行人燭過免胄而對曰臣聞之亦有君之不能耳

士無士進有獨死之禍退蒙衆生之福此其要補所

以臨陣亡戰而競思奔北者也鄧析子無厚篇云孫

子曰將者智也仁也敬也信也勇也嚴也孫子始計

智信仁勇嚴也魏武帝注將宜是故智以折敵折疑

五德備此益以敬蓋所見本異史記司馬穰苴傳云敬以

招賢信以必賞勇以益氣嚴以一令故折敵則能合

變衆附愛則思力戰賢智集則英謀得英程本作陰

誤詩免且鄭箋云此免且之人於行攻伐賞罰必則

士盡力勇氣益則兵勢自倍威令一則惟將所使必

有此六者乃可折衝擒敵大戴禮王言篇云明王之外

輔主安民前羌始反時

先零羌滇零以永初元年為

死子零昌復襲偽號至元初四年為任尚客將帥以

刺死隴右始平詳後漢書安帝紀及西羌傳將帥以

定令之羣王先生云羣字是郡字之誤藉富厚之

蓄

史記游俠傳序云藉據列城而氣處常作利勢權十

萬之衆

下篇云諸郡皆據列城而擁大眾或疑權為

中易林益之臨帶季兒良明知權兵權兵言執兵柄

史記袁盎傳云絳侯為太尉主兵柄是其義矣本書

潛歎篇權噬賢將勇傑之士以誅草創新叛散亂之

弱虜

漢書終軍傳云萬事草創後漢書擊自至之小

寇不能擒滅輒為所敗令遂雲烝

脫一起合從連橫

漢書刑法志云合從連衡轉相攻伐顏師古注掃滌

并涼舊作源據下篇改後漢書隗囂傳討王莽檄云

蕩地無內犯司隸東寇趙魏續漢書郡國志趙西鈔

蜀漢章懷注鈔掠也一切經音義二引通俗文云遮

取謂之抄掠五州殘破六郡削迹漢書趙充國傳云

抄與鈔同日金城隴西天水安定北地郡是也按天水後漢

明帝永平十七年更名漢陽郡國志金城隴西漢陽

安定北地屬涼此非天之災長吏過爾非舊作亦据

州上郡屬并州地形篇云兵有走者有弛者有陷者有崩者有亂者

有北者凡此六者非天地之災將之過也越絕書計

倪內經計倪曰與人同時而戰獨受孫子曰將者民

天之殃未必天之罪也亦在其將脫家字据孫子補是故

之司命而國家安危之主也孫子作戰篇文舊是故

諸有寇之郡太守令長不可以不曉兵今觀諸將謂將

郡守漢書酷吏嚴延年傳顏師古注云
謂郡守為郡將者以其兼領武事也
既無斷敵合

變之奇
斷治要作料按史記白起傳論云白起料敵
合變出奇無窮料斷義相近古亦通用史記

韓信傳云大王自料勇悍仁強孰與項王新序善謀
篇作自斷又新序雜事一朱玉對楚王問豈能與之

斷天地之高文
復無明賞必罰之信然其士民又甚

選斷亦作料
復無明賞必罰之信然其士民又甚

貧困器械不簡習
吳語云申胥華登簡服吳國將恩
之士於甲兵韋昭注簡習也將恩

不素結
史記淮陰侯傳云信非得素拊循卒讀為然
士大夫也此所謂軀市人而戰之卒

有急則吏以暴發虐其士士以所拙
治要遇敵巧此
作屈

為將
漢書趙主錯傳云其與秦之
要補吏驅怨以禦讎行怨民相去遠矣顏師古

注言發怨恨之士卒縛手以待寇也
淮南子說山訓
人使行成也

疾夫將不能勸其士士不能用其兵此二者與無兵

等

六韜軍畧篇云凡帥師將軍慮不先設器械不備

漢

書鼂錯傳云士卒不習若此不可以為王者之兵也

不

集趨利弗及避難不畢前擊後解與金鼓之音相

失

此不習勒卒之過也百不當十兵不完利與空手

同

甲不堅密與祖禡同弩不可以及遠與短兵同射

不

能中與亡矢同中不能入與亡鏃同此將不省兵

之

禍也五不當一故兵法曰器械不利以其卒予敵

也

卒不可用以其將予敵也將不知兵以無士無兵

其

主予敵也君不擇將以其國予敵也

而

欲合戰其敗負也理數也然改補管子兵法篇云

治

衆有數勝敵有

理

察數而知理故曰其敗者非天之所災將之過

也

饒士處世才德優饒者但患無典爾也故苟有

土

地百姓可富也苟有市列商賈可來也苟有士民

國

家可強也苟有法令姦邪可禁也古之明君錯法

商子錯法篇云

而民無邪舉事而材自練賞行而兵強又云苟有道
理地足容身士民可致也苟容市井財貨可聚也有
士者不可以言貧有民者不可以言弱漢書食貨夫
志云今弘羊令吏坐市列顏師古注市列謂列肆夫

國不可從外治兵不可從中御六韜注將篇云國不

中御白虎通三軍篇云大夫將兵出不從郡縣長吏

幸得兼此數者之斷已而之舊作丈又重而不能以

稱明詔安民氓哉漢舊儀云御史大夫敕上計丞長

宜無狀多不完百姓不蒙恩被化守丞長史到郡與

二千石同力為民興利除害務有以安之稱詔書漢

書趙錯傳云甚不此亦陪克闢茸詩蕩云曾是以培克

耳見賢無里之爾里當作俚之下脫一字漢書季布

難篇耳晉灼曰揚雄方言曰俚聊也許夫世有非常之人

慎曰賴也此為其計畫無所聊賴七湖海樓本

然後定非常之事必道

疑

非常之失然後見

下說四
字史記

司馬相如傳云蓋世必有非常之人然後有非常之事有非常之事然後有非常之功此文當同之是

故選諸有兵之長吏宜蹕蹕豪厚越取幽奇

漢書孔
光傳云

竊見國家故事尚書以久次轉遷非有蹕蹕之能不
相踰越顏師古注蹕高遠也蹕蹕猶言蹕絕後漢書
班彪後固傳西都賦云道華諸夏典引云卓犖乎方
州文宛補衡傳英才卓犖並與蹕蹕同說苑說叢篇
云德以純厚故能豪按越取謂不次擢用漢書東方
朔傳云武帝初卽位徵天下舉方正賢良文學材力
之士待以不次之位顏師古注不拘常次言超擢之
後漢書安帝紀永初二年詔云二千石長吏明以詔
書博行幽隱朕將親覽材明權變任將帥者後漢書
待以不次是其義也南蠻傳
永和時日南象林徼外蠻夷攻圍日南李固議亦不
云宜更選有勇畧仁惠任將帥者以爲刺史太守不
可苟惟疑基序或阿親戚墨子兼愛下篇云勿有親
戚弟兄之所阿漢書貢禹

傳云不使舊作典兵官蓋謂鄧騭也騭以車騎將軍
阿親戚使能制詔騭還師以鄧太后故拜此所謂以其國與敵
騰為大將軍見後漢書西羌傳

者也

上注見

救邊第二十二

聖王之政普覆兼愛不私近密不忽疎遠

鹽鐵論地廣篇云王

者包含并覆普愛無私不為近重施不為遠遺恩

吉凶禍福與民共之

林作

同易繫辭上傳云

哀樂之情恕以及人

漢書杜周傳杜欽對策云

克己就義

視民如赤子

漢書路溫舒傳云文帝永思至德以

承天心崇仁義省刑罰通關梁一遠近敬賢如大賓

愛民如赤子內恕情之所安而施之於海內是以罔

此節大指本於彼救禍如引手爛有司治之若救爛

焦是以四海歡悅俱相得用往者羌虜背叛始自涼

并延及司隸東禍趙魏西鈔蜀漢五州殘破六郡削

迹周迴千里野無子遺詩雲漢云靡有子遺寇鈔禍害晝夜不

止百姓滅沒日月焦盡淮南子兵畧訓云勇敢輕敵疾若滅沒荀子議兵篇云若

赴水火入焉焦沒耳說文云獲火所傷也或省作隸

盡火餘也盡與隸同詩桑柔具禍以燼鄭箋云災餘

日燼釋文燼而內郡之士漢書宣帝紀本始元年詔內郡國舉文學高第韋昭

本亦作盡日中國為內郡緣邊有不被殃者咸云當且放縱後漢

夷狄障塞者為外郡書烏桓傳班彪上言烏桓天性輕黠好為寇以待天

賦若久放縱而無總領者必復侵掠居人時越語范蠡曰天時不作弗為人客韋昭注謂天時

利害災變之應漢書趙充國傳宣帝敕讓充國云今五星出東方中國大利蠻夷大敗太白出高用兵

深入敵戰者吉弗敢戰者凶將軍急裝因天時誅不

義萬下必全後漢書王昌傳云展轉中用意若此豈

山來往燕趙以須天時章懷注須待也

人心哉漢書宣帝紀地節四年前羌始反公卿師尹

咸欲捐棄涼州却保三輔漢書百官公卿表云右扶

三輔服虔曰皆治在長安中朝廷不聽後羌遂侵下有脫字而論者多

恨不從惑疑或議余竊笑之所謂媾亦悔不媾亦有悔

者爾秦策云三國攻秦秦王欲割河東而講公子池

通未始識變之理地下脫不無邊無邊亡國是故失

涼州則三輔為邊三輔內入則弘農為邊弘農內入

則洛陽為邊推此以相況雖盡東海猶有邊也後漢書龐參傳云永初元年涼州先零種羌反叛遣車騎將軍

鄧騭討之參上書曰萬里運糧遠就羌戎不若總兵

養衆以待其疲車騎將軍騰宜且振旅畱征西校尉
任尚使督涼州士民轉居三輔四年羌寇轉盛兵費
日廣參奏記於鄧騭曰參前數言宜棄西域乃為西
州士大夫所笑果破涼州禍亂至今善為國者務懷
其內不求外利務富其民不貪廣土三輔山原曠遠
民庶稀疏故縣上城可居者多今宜徙邊郡不能自
存者入居諸陵田成故縣孤城絕郡以權徙之又虞
詡傳云永初四年羌胡反亂殘破并涼大將軍鄧騭
以軍役方費事不相贍欲棄涼州議者咸同詡問之
乃說李修曰先帝開拓土宇劬勞後定而今憚小費
舉而棄之涼州既棄即以三輔為塞三輔為塞則園
陵單外此不可之甚者也節信所言與詡合參傳西
州士大夫蓋即今不屬武以誅虜靜兆屬武大武解
指節信諸人
云武屬選材以全境漢書王嘉傳云今之郡守重
以勇選材以全境於古諸侯往者致選賢材而
云邊不可守欲先自割示便寇敵不亦惑乎示字舊
御補按說文便弱也趙策虞卿曰坐而割地自弱以
強秦又云割地以和是不亦大示天下弱乎史記廉

頗藺相如傳亦云王
不行示趙弱且怯也

昔樂毅以博博之小燕

按齊策

安平君以憐憐之卽
千禽其司馬而反千

墨三里之城五里之郭敝卒七
里之齊博博卽慙慙之誤莊子

齊物論云小恐惛惛
與專同專專僭區
厓云顛顛獨居一海
顛與專同專專僭區

是其義已涉書賈非之傳論殊
之中顓顓與惴惴同顓師古注

一日圓貌其說非也

破滅彊齊威震天下真可謂

良將矣

事見史記
樂毅傳

然卽墨大夫以孤城獨守六年不

下竟完其民田單帥

餘城可謂善用兵矣

事見史記田單傳舊作田單師
窮率五千騎擊走卻据單傳改

傳云夷殺騎劫自序
田單用卽墨破走騎

云史記圍聊莒連年終不能拔魯仲

連傳云用單攻聊城
不下此文聊莒當作

歲餘士卒多死而聊城莒未嘗降燕也此皆以

至彊攻至弱以上智

圖下愚與下愚不移而猶不

能克者何也曰攻常不足而守恒有餘也

漢書趙充國傳云臣

聞兵法攻不足者守有餘後漢書馮異傳云夫攻者不足守者有餘章懷注孫子兵法之文按孫子軍形篇云守則不前日諸郡皆據列城而擁大衆羌虜之

智非乃樂毅田單也郡縣之阨未若聊莒卽墨也然

皆不肯專心堅守

昭廿七年左傳云有堅守之心

而反彊驅劫其民

捐棄倉廩背城邑走

詳實邊篇注

由此觀之非苦城乏糧

也但苦將不食爾折衝安民要在任賢不在促境

後漢

書西域傳延光二年敦煌太守張璠上書陳三策其

下計謂宜棄交河城收鄯善等悉使入塞尚書陳忠

上疏以爲燧國滅土經有明誠敦煌宜置校尉按舊

增四郡屯兵以西撫諸國庶足折衝萬里意與此同

齊魏御守國不以安子嬰自削秦不以在武皇帝攘

夷析境

入極高誘注析開也古亦省作斥漢書武五

子傳燕王旦上書云孝武皇帝威武洋溢遠方執寶

而朝增郡數十斥地且倍韋賢後立成傳云孝武皇帝

帝斥地遠境起十餘郡匈奴傳云孝武世出師征伐

斥奪此地遠境之於幕北顏師古注並云斥開也地理

志云武帝攘卻胡越開地斥境夏侯勝傳云孝武皇帝

帝廓地斥境立郡縣又云武帝有攘四夷傳云世宗

之功斥境即析境字亦借拓後漢書傳燮傳云世宗

拓境列置四郡文苑傳杜篤論都賦云孝武拓地萬

里威震八荒肇置四郡據守敦煌鮮卑傳蔡邕面數

議云世宗神武將帥良猛財賦充實所拓廣遠

千里東開樂浪

在元封三年西置燉煌元鼎南踰交

趾即定南越也趾紀作趾地理志作趾後漢書光武

趾帝紀建武五年章懷注云趾與趾同古字通應劭

漢官儀曰始開北方遂北築朔方元朔卒定南越元

交於南為子孫基趾也北築朔方二年卒定南越元

六誅斬大宛

四年太初武軍所嚮宣十二年左傳潘党曰

年武軍所嚮宣十二年左傳潘党曰

營以章武功後漢書隗囂傳討無不夷滅漢書武五

王莽檄云有不從命武軍平之子傳贊云

師行三十年兵所誅屠夷滅死者不可勝數梅福云

傳云至於夷滅顏師古注夷平也謂平除之也今

虜近發封畿之內史記文帝紀後二年詔而不能擒

亦自痛疑病爾非有邊之過也昏亡齒寒體傷心痛鹽

論詠秦篇云中國與邊境猶支體與腹心也大肌膚

寒於外腹腸疾於內內外之相勞非相為助也昏亡

則齒寒支體傷而心憤怛故無手足則支體廢必然

無邊境則內國害按唇亡齒寒本傳五年左傳必然

之事又何疑焉燕策云在必然之物君子見機易繫

傳機王弼況已著乎乃者漢書曹參傳顏師古邊害

本作幾注云乃者猶言發者邊害

震如雷霆赫如日月詩常武云震驚徐方如雷如霆

今天下之事昭昭於後漢書范升傳升奏記王邑云

日月震震於雷霆而談者皆諱之曰姦并竊盜舊

舊

作義按說文云羖犬走貌从三犬羖并竊盜猶史記
叔孫通傳云鼠竊狗盜也王先先生云羖并當是大羊
之誤漢書王莽傳嚴尤云饑寒羣盜大羊相聚也後
漢紀安帝永初四年虞詡遷朝歌長時期歌多盜賊
馬稜憂之詡曰此賊犬羊相聚
以求溫飽耳明府無以為憂
書秦誓云惟截截善編言俾君子易解文十二年公
羊傳作惟譏譏善靖言漢書李尋傳云秦穆公說譏
譏之言鹽鐵論國病篇亦云譏譏者賊也論誅篇又
云疾小人淺淺而從按莊子在宥篇而佞人之心剪
剪者釋文引李贇注云剪剪淺短貌剪剪淺淺並與
譏譏同俾君子怠亦見史記三王世家齊王策文
欲令朝廷以寇為小而不蚤憂害乃至此尚不欲救
諺曰諺字舊脫括御覽八百卅六補痛不著身言忍之錢不出家言
與之假使公卿子弟有被羖禍朝夕切急如邊民者
則競言當誅羖矣今苟以已無慘怛冤痛

漢書元帝紀初元二

年詔曰慘怛於心顏師故端坐相仍鹽鐵論禁耕篇

古注慘痛也怛悼也按端坐猶言安坐也吳志虞翻傳孫策云端坐而民豪

諸葛恪傳云端生使老晉書東海王越傳云端坐悒悒

操會失又不明修守禦之備舊脫守字据邊議篇補

治壁壘以備守禦齊語云小國諸侯有守禦備陶陶閒澹

禦之備史記秦本紀云鄭君謹修守禦備陶陶閒澹

詩君子陽陽毛傳臥委天口程本作羌獨往來六韜

云陶陶和樂貌篇云凡兵之道莫過乎深入多殺史記吳王濞傳云

殺為已乃陸陸注後漢書馬援傳云今更其陸陸章懷

功而受髮於俗史記平原君傳公等錄錄猶鹿鹿說文云

曹參傳贊當時錄錄顏師古注錄錄猶鹿鹿說文云

遂行謹遂遂也錄錄隨從也陸陸相將詣闕辭禮

錄錄錄錄錄錄隨從也陸陸相將詣闕辭禮

謝後漢書橋立傳退云狀狀注見斷訟篇會坐朝

堂治周禮攷工記匠人外有九室鄭注如今朝堂諸曹

也按後漢時國家有大事皆於朝堂會議後漢書鄧

騭傳云其有大議乃詣朝堂與公卿參謀袁安傳云

武威太守孟雲上書北虜既已和親而南部復往抄

掠北單于謂漢欺之謀欲犯邊宜還其生口以安慰

之詔百官議朝堂又云竇太后兄車騎將軍憲北擊

匈奴安與太尉宋由司空任隗及九卿詣朝堂上書

諫班超後勇傳曹宗請擊匈奴鄧太后召勇詣朝堂

會議應奉後劭傳中平二年漢陽賊東侵三輔皇甫

嵩討之請發烏桓三千人北軍中候鄒靖上言烏桓

衆弱宜開募鮮卑事下四府大將軍掾韓卓與劭相

難反覆於是詔百官大會朝堂陳球傳竇太后將葬

曹節等欲別葬太后而以馮貴人配祔詔公卿大會

朝堂令中常侍趙忠監議慮植傳董卓大會百官於

朝堂議欲廢立鮮卑傳熹平六年鮮卑寇三邊夏育

請徵幽州諸郡兵出塞擊之大臣多則無憂國哀民

懇惻之誠

漢書傳喜傳云忠誠憂國按漢時每以不

者也孔光傳策免光云今相朕出入三年憂國之風

復無聞焉朱博傳奏封事言丞相光志在苟轉相顧

自守不能憂國蓋詔奏之文相治如此

望莫肯違止願望注見述赦篇止常作正後漢書邳

規傳云互相瞻顧莫肯正言皆此意獨斷云其有疑

事公卿百官會議若臺閣有所正處而獨執異意者

是下言臣愚慙議異違正即駁議也日晏時移議無

所定漢書龔勝傳云已且須後禮記學記云雖舍之

漢書食貨志詔書且須後漢書循吏衛鳳後得小

傳須後詔書顏師古章懷注並云須待也

安詩民勞云則恬然棄忘旬時之閒虜復為害軍書

交馳羽檄狎至漢書息夫躬傳云軍書交馳而幅湊

之狎文選陸倕石闕銘李善注引作狎襲廿七乃復

年左傳云晉楚狎主諸侯之盟杜注狎更也

年左傳云晉楚狎主諸侯之盟杜注狎更也

年左傳云晉楚狎主諸侯之盟杜注狎更也

年左傳云晉楚狎主諸侯之盟杜注狎更也

年左傳云晉楚狎主諸侯之盟杜注狎更也

怔忡如前方音云怔忡遠也江浙之間凡窘猝怖

貌若此以來出入九載庶曰式臧覆出為惡詩云怔忡無正何

何潰潰爾雅釋訓云僂僂洞洞惜也釋文洞洞本作

補爾雅說文無潰潰蓋脫佚也當何終極春秋譏鄭

棄其師年閔二況棄人乎一人吁嗟王道為虧後漢書

云一夫吁嗟王道為虧鮑永後見傳云一人呼嗟王

政為虧蓋當時成語也小爾雅廣訓云吁嗟嗚呼也

有所歎美有所傷痛隨事況百萬之眾叫號哭泣舊

有義也此即傷痛之義矣感天心乎且夫國以民為基貴

以賤為本淮南子泰族訓云國主之有民也猶城之

書大政上篇云聞之於政也民無不以為本也國以

辭夫命卷五

三湖海樓雕本

為威侮吏以民為貴賤是以聖王養民愛之如子襄

此之謂民無不為本也四年左傳師曠曰養民如子新序雜事一養作愛說

憂之如家漢書翟方進傳危者安之亡者存之趙策

談曰亡不能存危不能救其災患除其禍亂襄十一年左傳

安則無為貴知土也救其災患除其禍亂襄十一年左傳

云救災恤禍亂甘是故鬼方之伐易乾濟九三非

好武也周語祭公謀父曰獫狁於攘詩由車攘作襄

康後漢書蔡邕傳周宣王命南宮氏南宮氏或作

非貪土也淮南子兵畧謂云古之言兵者非利土壤

下之亂而除以振民育德其義安疆字也後漢書馮

萬民之害也其疆古者天子守在四夷昭廿三年左自彼氏羌莫

不來享

詩殷武

普天思服行葦賴德

詩北山云普天之下文王有聲云無

思不服行葦義見下篇

況近我民蒙禍若此可無救乎凡民之

所以奉事上者懷義恩也痛則無恥禍則不仁

禍舊作福

据程本改

忿戾怨懟生於無恥今羌叛久矣傷害多矣百

姓急矣憂禍深矣上下相從未見休時不一命大將

以掃醜虜

詩常武云仍執醜虜漢書縣布傳云埽淮南之衆顏師古注埽者謂盡舉之如埽地

之爲埽

而州稍稍興役

意林州下有縣字按本書皆以州郡連言此亦當作州郡

漢書西南夷傳云州郡擊之不能服

連連不已

詩皇矣云執訊連連漢書東方朔傳云綿綿連

連殆哉世

若排簾障風探沙擁河

簾舊作梭據意林改御

覽九簾作翼翼與箠通扇也八百五十四簾又作縑

探作陶按陶當作拘一切經音義七引通俗文云指

出日拘探

無所能禦徒自盡爾

意林作無益於事徒自斃耳

今數

州屯兵十餘萬人

哀元年左傳云夫屯晝夜九日杜注夫猶兵也疏云屯是成守之名

故詩序云屯成於毋家十萬作才据程本改後漢書西羌傳虞詡說任尚云三州屯兵二十餘萬人棄農

桑疲苦徭役而未

皆廩食縣官

急就篇云粟食縣官帶金銀顏師古注粟

有功効勞費日滋

食縣官官給其食也漢書地理志顏注粟給也廩與

粟同後漢書南蠻傳李固云計人粟五升章懷注古

升小故人歲數百萬斛又有月直

後漢書陳寵後忠傳注引謝承書云

日五升也

但此人耗不可勝供

施延到吳郡海鹽取卒月直

貨作半路亭父以養其母

之費甚非計也且

舊作是

夫危者易傾疑者易化今虜

新擅邊地未敢自安易震蕩也

襄廿六年左傳析公曰楚師輕窵易震蕩

也百姓新離舊壤舊作懷思慕未衰漢書元帝紀永光四年詔曰頃者徒

郡國民以奉園陵令百姓遠棄先祖墳墓破業易獎

屬也獎舊作將按說文云獎喉大屬之也經典多作

王乃厲翼於尹氏八誠宜因此遣大將誅討迫脅離

逃破壞之書多方云離逃爾士漢書趙如寬假日月

史記封禪書公孫卿蓄積富貴各懷安固之後則難

動矣周書曰凡彼聖人必趨時周視解凡作是故戰

守之策不可不早定也漢書高帝紀韓信曰史卒皆

其鋒而用之可以有天功天下已定民皆自

寧不可復用不如決策東向此文意與彼同

邊議第二十三

明於禍福之實者不可以虛論惑也察於治亂之情

者不可以華飾移也

韓非子姦劫弑臣篇云聖人者審於是非之實察於治亂之情

也是故不疑之事聖人不謀

韓非子內儲說上惠子曰凡謀者疑也疑也者

誠疑以爲可者半以爲不可者半

浮游之說聖人不聽

禮記緇衣云

言鄭注游猶浮也不可用之言也漢書韓安國傳云

誅邪臣浮說史記蘇秦傳云明主絕疑去讒屏流言

詩小旻云維迓言

述之何者計不背見實而更爭言也

是爭漢書灌夫傳

韓安國云譬如賈豎女

是以明君先盡人情不獨委

夫良將修己之備無恃於人

孫子九變篇云用兵之法無恃其不來恃吾有

以待之無恃其不攻故能攻必勝敵而守必自全也
光始反時計謀未善黨與未成人聚未台兵器未備

或持竹木枝或空手相附附王先生云草食散亂草食疑當

為草舍後漢書馮異傳云王郎未有都督漢書敘傳

起光武自薊東南馳晨夜草舍未有都督敘西域傳

云昭宜承業都護是立總督城郭三十有六都督即

謂都護總督也魏志夏侯惇傳云使惇都督二十六

軍留居巢其甚易破也太守令長皆奴怯畏便不

後遂以名官敢擊亦見霍光諸葛豐傳武帝紀天漢三年匈奴入

雁門太守坐畏便棄市閩越王傳云東粵王餘善發

兵距漢使大司農張成故山州侯蒯將屯不敢擊

卻就便處皆坐畏懦誅畏便畏懦義並同擊上

當有討字見下篇後漢書西羌傳云時羌歸附既久

無復器甲或持竹竿木枝以代戈矛或負板案以為

楯或執銅鏡以象兵郡縣畏懦不能制本此及實邊

篇故令虜遂乘勝上疆史記高祖紀云秦兵強常乘

云楚王恃破州滅郡日長炎炎吳語申胥曰日長炎

戰勝自疆李之白卷五三朝每變雖本

殘破三輔單及鬼方

詩蕩

若此已積十歲矣百姓被害

迄今不止而癡兒駢子

說文云癡不慧也譏駢也癡

注駢同字方言云癡駢也周禮司刺三赦曰蠢愚鄭

公孫祿司隸鮑宜皆外有直項之名內實駢尚云不

當救助且待天時用意若此豈人也哉夫仁者恕已

以及人

說文云恕仁也管子版法解云取人以己者

安勿施於人楚辭離騷云羌內恕己以量人兮漢書

量錯傳云取人以己內恕及人杜周傳杜欽對策云

克己就義智者講功而處事魯語云夫仁者講功而

必及事韋昭注能處事物為智文十八年左傳云德

以處事事以度功禮記文王世子鄭注物猶事也

今公卿內不傷士民滅沒之痛外不慮久兵之禍子孫

作戰篇云夫兵久而各懷一切後漢紀和帝永元十三年班超上書曰公

國利者未之有也卿大夫咸懷一切而莫肯遠慮後漢書左雄傳云各

懷一切莫慮長久按漢書平帝紀元始元年顏師古

注一切者權時之事非經常也猶如以刀所脫避前

切物苟取整齊不顧長短縱橫故言一切

句有誤字續漢書五行志劉昭注載延光四年馬融

上書云臣恐受任典牧者苟脫目前皆粗圖身一時

之權不顧為國百世之利所脫避前意當與苟脫目

前同漢紀成帝永始元年王仁上疏云萬乘之主當

持久長非一切苟云不當動兵而不復知引帝王之

畢決目前者綱維管子禁藏篇云

綱維法今為維綱原禍變之所終也易制禦寇

上九利禦寇盧詩美薄伐漢書韋賢傳劉歆議曰臣

學士云制疑利詩美薄伐漢書韋賢傳劉歆議曰臣

猶最彊于今匈奴是也至宜王而伐之詩人美而頌

之日薄伐獫狁至于太原顏師古注小雅六月之詩

也自古有戰非乃今也詩載芟云匪今斯今振古如

自古有戰非乃今也茲趙策蘓秦說趙王曰大王

也自古有戰非乃今也茲趙策蘓秦說趙王曰大王

乃今然後得與士民相親傳曰天生五材民並用之廢一不可誰

能去兵兵所以威不軌而昭文德也聖人所以興亂

人所以廢襄廿七年左傳齊桓晉文宋襄衰世諸侯猶恥天

下有相滅而已不能救公羊傳云天下諸侯有相滅亡者桓公不能救則桓公恥

之況皇天所命四海主乎晉楚大夫小國之臣猶恥

已之身而有相侵成十六年左傳欒武子曰況天子

三公典世任者乎公劉仁德廣被行葦孫侍御云漢儒相承以行

葦為公劉之詩蓋本三家舊說也吳越春秋公劉慈

仁行不履生葦運車以避葦葦列女傳晉弓工妻曰

君聞昔者公劉之行乎羊牛踐葦葦惻然為民痛之
後漢書寇榮傳公劉敦行葦世稱其仁劉志彭業傳
體公劉之德行勿翦之惠班彪北征賦慕况含血之
公劉之遺德及行葦之不傷並與此同

人已同類乎

史記律書云自舍血戴角之獸見犯則校而況於人孟子云聖人與我同類者

一人吁嗟王道為虧況滅沒之民百萬乎書曰天子

作民父母

洪範

父母

二字舊脫

之於子也豈可坐觀其

為寇賊之所屠剝

漢書王莽傳云翟義黨王孫慶捕得莽使太醫尚方與巧屠共剝

之立視其為狗豕之所噉食乎

孟子云抑亦立而視其死與漢書貢禹傳

云今民大飢而死死除其仁恩

莊子天下篇云以仁為恩淮南子繆稱訓

云仁者積恩之見證也漢書丙吉傳云誠其仁恩內結於心也

且以計利言之商子

篇云民生則計利孟子云國以民為基貴以賤為本

枉尺而直尋者以利言也

願察開闢以來

御覽一引尚書中

民危而國安者誰

也下貧而上富者誰也

下上舊互置按管子山至數篇云民富君無與貧民貧君

無與富荀子富國篇云下故曰夫君國將民之以民

實瘠而君安得肥楚語云夫君國者將民之與處民實瘠矣君安得肥詩江有汜鄭箋

云以猶夫以小民受天永命書召竊願聖主深惟國

基之傷病方言云惟凡思也遠慮禍福之所生管子君臣下篇云審知禍

福之且夫物有盛衰時有推移事有激會人有變舊作

愛化史記蔡澤傳云物盛則衰天地之常數也進退

勢之流相激使然智者揆象不其宜乎孟明補闕於

河西文三年左傳范蠡收責於姑胥姑胥作故姑胥即姑蘇也後漢紀先武紀

二方望謝隗囂書云范蠡收績於姑蘇後漢書隗囂

傳作范蠡收責勾踐章懷注收責謂收其罪責也按

收責讀如齊策收責於薛言破吳以償會稽是以大

之敗如歸責然也後漢紀作績蓋袁氏所改

功建於當世而令名傳於無窮也

秦策蘇秦曰寬則兩軍相攻迫則杖

戟相樟然後可建大功史記司馬相如傳喻

今邊陲

搔擾

巴蜀檄云名聲施於無窮功烈著而不滅

日放族禍

後漢書竇融傳云隗囂自知失河西之助族禍將及寒朗傳云舊制大罪禍及九族

放疑當作被實邊篇云百姓晝夜望朝廷救已

襄十六年

左傳穆叔曰敝邑之急朝不及夕引領西望曰庶幾

乎杜注庶幾晉來救漢書韓信傳漢王大怒罵曰吾

困於此旦暮而公卿以為費煩不可徒竊笑之

後漢書西

先傳虞翻云公卿選儒容頭過身張解

是以與也晏

設難但計所費不圖其安意與此同

今晏子

子輕困倉之蓄而惜一杯之鑽何異

無此文今但知

愛見薄之錢穀

續漢書百官志云大司農掌諸錢穀金帛諸貨幣郡國四時上月旦見錢

穀簿其通未畢各具別之邊郡諸官請而不知未見調度者皆為報給損多益寡取相給足

之待民先也知徭役之難動漢書高帝紀云常繇咸陽應劭曰繇者役也顏

師古注繇讀曰徭說文云而不知中國之待邊寧也

役戍邊也徭繇役並通而不知中國之待邊寧也

鹽鐵論地廣篇云散中國肥饒之餘以調邊境邊境

強則中國安急就篇云邊境無事中國安寧後漢書

龐參傳永初元年涼州先零種羌反叛遣車騎將軍

鄧騭討之參上書有云方今西州流民擾動而徵發

不絕重之以大軍疲之以遠戍農功消於轉運資財

竭於徵發宜且振旅督涼州士民轉居三輔休徭役

以助其時止煩賦以益其詩痛或不知叫號或慘慘

財節信所云正謂參等

劬勞山北今公卿苟以已不被傷故競割國家之地以

與敵殺主上之民以餒羌為謀若此未可謂知為臣

若此未可謂忠

史記蘇秦傳秦說魏襄王云凡羣臣之言事秦者皆姦人非忠臣也夫為

人臣割其土之地以求外交儉取一時之功而不顧其後願大王孰察之此文大旨本於彼才智

未足使議藝文類聚四十八引桓子新論云堯試舜於大麓者錄天下事如今之尚書官矣宜

得大賢智乃且凡四海之內者聖人之所以遺子孫

也官位職事者羣臣之所以寄其身也傳子孫者思

安萬世新書過秦上篇云子孫帝王萬世之業也漢書佞幸董賢傳王閼云陛下承宗廟當傳子

孫於無窮寄其身者各取一閱閱讀為缺一缺猶今言一任矣故常其言

不久行其業不可久厭久行上有脫字方言云厭安也漢書何敞傳贊云規事建

議不圖萬世之固而媮恃一時之事者未可以經遠也夫此誠明君之所微察

也而聖上之所獨斷管子明法解云明主者兼聽獨斷言篇云獨斷者微密之營

也今言不欲動民以煩可也卽然當修守禦之備必

今之計令虜不敢來來無所得來字舊不重按後漢書陳俊傳云光武遣

俊將輕騎馳出賊前視人保壁堅完者勅令固守放散在野者因掠取之賊至無所得遂散敗即此意也

漢書趙充國傳云來而不能困使得氣去後未易服也令民不患寇既無所失今

則不然苟憚民力之煩勞而輕使受滅亡之大禍非

人之主非民之將非主之佐非勝之主者也孫子用開篇文

民作人無非人之主句且夫議者明之所見也辭者心之所表

也呂氏春秋離謂篇云辭者意之表也維其有之是以似之詩裳裳者華諺

曰何以服很莫若聽之說文云很不服也禮記曲禮云很毋求勝鄭注很闕也

謂爭訟也今諸言邊可不救而安者宜誠疑試以其身若子

弟補邊太守令長丞尉然後是非之情乃定救邊乃

無患邊無患中國乃得安寧

實邊第二十四

夫制國者必照察遠近之情偽

傳廿八年左傳云民之情偽盡知之矣

預禍福之所從來

預下脫一字說苑權謀篇云知命者預見存亡禍福之原呂氏春秋

召類篇云禍福之所自來衆人以爲命焉不知其所由

乃能盡羣臣之筋力

莊

徐無鬼篇云筋力之士矜難

而保與其邦家

詩瞻彼洛矣云保其家邦

前羌始

叛草創新起器械未備虜或持銅鏡以象兵或負板

案以類楮惶懼擾攘未能相持一城易制爾

御覽三百五十五

七作逞遠擾攘未能相一誠易制也

郡縣皆大熾

後漢書西羌傳論云永初之閒羣種蜂起

自西戎作逆未有陵斥上國若斯其熾也詩六月云

猷猷孔熾毛傳熾盛也續漢書五行志云姦慝大熾

王先生云郡縣下有脫文官言及百姓暴被殃禍亡

失財貨人哀奮怒各欲報讎哀當作襄與懷同史記

云人懷怒心而將帥皆怯劣軟弱不敢討擊但坐調

文書以欺朝廷史記李斯傳云高問其文書相往實

殺民百則言一殺虜一則言百或虜實多而謂之少

或實少而謂之多後漢書皇甫規傳云羌戎潰叛不

守安則加侵暴苟競小利則致大害微勝則虛張首

級軍敗則隱匿不言按規所言乃永和時事而情狀

正與此同漢書王莽傳田況上言亦云盜賊始發其

原甚微非都吏五人所能禽也咎在長吏不為意縣

朝廷忽畧不輒督責遂至延曼連州傾側巧文要

取便身利已而非獨憂國之大計哀民之死亡也韓

子外儲說左下明危曰公傾側法令漢書刑法志宣
帝詔曰開者吏用法巧文寢深趙充國傳充國曰諸
君但欲便文自營非為公家忠計也按便身利已即
賈誼傳所云見利則逝見便則奪有便吾身者則欺
賣而利也又放散錢穀殫盡府庫乃復從民假貸彊奪

財貨千萬之家削身無餘萬民置竭因隨以死

亡者皆吏所餓殺也後漢書龐參傳云比年羌寇特困隴右供徭賦取穀帛鬻賣什

負人責數十億萬今復募發百姓調取穀帛鬻賣什

物以應吏求外傷羌虜內困徵賦縣官不足輒貸於

民民已窮矣將從誰求西羌傳云自羌叛十餘年開

兵連師老不暫寧息軍旅之費轉運委輸用二百四

十餘億府帑空竭延及內郡邊民死其為酷痛甚於

者不可勝數并涼二州遂至虛耗

逢虜後漢書南蠻傳云中郎將尹就討益州叛羌益

州諺曰虜來尚可尹來殺我王氏所言正指就

等漢書王莽傳云田況言今空復多出將率郡縣苦

之反甚於賊又云太師更始合將銳士十餘萬人所

過放縱東方為之語曰寧逢赤眉不逢太師太寇鈔

師尚可更始殺我卒如田況之言意與此同

賊虜忽然而過未必死傷至吏舊作所搜索剽奪言方

云搜畧求也就室曰搜於道曰畧游踵塗地游當為

說文云索入家搜也經典通用索游踵旋漢書

王子侯表序云旋踵亦絕鼃錯傳云前死不還踵顏

師古注還讀曰旋旋踵回旋其足也刪通傳云劉項

分爭使人或覆宗滅族絕無種類或孤婦女王先生

肝腦塗地云孤下

當有脫字繼培按當作幼孤史記司馬相如傳云幼

孤為奴或云孤婦女謂畧取婦女使之孤獨也漢書

南粵傳文帝賜佗書云為人奴婢遠見販賣後漢書

寡人之妻孤人之子遭饑亂及為青徐賊所畧為奴

紀建武七年詔吏人聽之敢拘制不還以賣人法從

婢下妻欲去畧者恣聽之舊作不能自活舊

事晉書刑法志陳羣新律序舊作不能自活舊

云舊律盜律有和賣買人今不能自活舊

治者不可勝數也疑此之感天致災尤逆陰陽漢書

嚴助

傳淮南王安上書云臣聞軍旅之後必有凶年言民
之各以其愁苦之氣薄陰陽之和感天地之精而災
氣爲之生也魏相傳且夫士重遷當作安土重遷漢
相上書亦用淮南語書元帝紀永光四
年詔曰安土重遷黎民之性骨肉相附人情所願也
通典一引崔實政論云小人之情安土重遷寧就飢
餒無適樂見救邊賢不肖之所同也民之

於徙疑王先生云於徙甚於伏法伏法不過家一人死

爾諸亡失財貨奪土遠移不習風俗不便水土類多

滅門少能還者代馬望北狐死首丘後漢書班超傳云狐死首丘代

馬依風文選古詩十九首李善注引韓詩外傳云邊

詩曰代馬依北風飛鳥棲故巢皆不忘本之謂也邊

民謹頓讀爲尤惡內附雖知禍大舊作猶願守其緒

業鹽鐵論論誹篇云緒業死其本處誠不欲去之極

太守令長畏惡軍事皆以素非此土之人痛不著身

禍不及我家列女傳魏曲沃負日有禍必及吾家故爭郡縣以內遷下

當脫壞字敘錄云令至遣吏兵漢書何並傳云並發

壞郡縣毆民內遷民禾稼發徹屋室詩十月之交云徹我牆屋趙策孟

此當讀為廢說夷其營壁漢書趙充國傳云行必為

文云廢屋傾也破其生業漢書荆王劉賈傳云

秋似順論云往而夷破其生業入楚地燒其積聚以

夫壘高誘注夷平也破其生業漢書後漢書循吏

破其業高帝紀云不事家人生產破其生業漢書循吏

仇覽傳云勸人生業為制科令至於果菜為限雞豕

有彊劫驅掠與其內入捐棄羸弱使死其處當此之

時萬民怨痛泣血叫號詩雨無正云鼠思泣誠愁鬼

神而感天心然小民謹劣不能自達闕廷依官吏家

迫將威嚴

威舊作滅据程本改韓非子不敢有挾

違字形相

民既奪土失業又遭蝗旱飢匱舊作逐道

東走流離分散

呂氏春秋貴直論狐援曰吾今見民

東疑奔之誤後漢書隗囂傳討王莽檄云幽冀兖豫

荆揚蜀漢飢餓死亡復失太半

後漢書馮衍傳云四

亡之數不啻太半漢書高帝紀韋昭注邊地遂以

荒意林云邊境牛羊不可久荒牛羊即上文太半之

含山藪遠帶上荒文選陸士衡歎逝賦云愍城闕之

上荒隸釋廣漢太守沈子琚縣竹江堰碑云躬耕者

少溉田上荒上荒即上荒按廣雅釋詁云上荒也漢

書息夫躬傳上亭後漢書龐參傳上城皆取此義西

縣兵荒兵荒疑亦上荒之誤至今無人原禍所起皆

吏過爾

後漢書西羌傳云羌既轉盛而二千石令長

寇難

朝廷從之遂移隴西徙襄武安定徙美陽北地

徙池陽

上郡徙衙百姓戀土不樂去舊遂乃刈其禾

稼發

徹室屋夷營壁破積聚時連旱蝗飢荒而驅散

劫畧

流離分散隨道死亡或棄捐老弱或為人僕妾

喪其大半

夫土地者民之本也誠不可久荒以開敵

皆本此文

心開敵心舊作開墾摺意林改敘錄亦云今又上荒

心慮

必生心列女傳晉獻驪姬云邊境無主則開寇

心夫寇

生其心民嫚其政國之患也按且扁鵲之治

晉語

開作啓漢避景帝諱以啓爲開

病也

史記云扁鵲者審閉結通開解結反之於平

姓秦氏

名越人審閉結通開解結反之於平

而通鬱滯

素問六元正紀大論黃帝曰鬱之甚者治

奪之金鬱

泄之水鬱折之滯字舊脫据虛者補之實

意林補

淮南子倣真訓云血脈無鬱滯

者瀉之

素問三部九候論岐伯曰必先度其形之肥

瘦以調

其氣之虛實實則瀉之虛則補之

者瀉之

瘦以調其氣之虛實實則瀉之虛則補之

故病愈而名顯伊尹之佐湯也設輕重而通有無損

積餘以補不足故殷治而君尊管子地數篇云昔日

足湯有七十里之薄而用有餘伊尹善通移輕重賈

誼痛於偏枯新書解縣篇云天下非特倒

蹇者一面病非者一方痛說文云痺風病也癰半今

枯也素問生氣通天論云汗出偏沮使人偏枯漢書文帝紀二

邊郡千里地各有兩縣戶財置數百年顏師古注財

與纔而太守周迴萬里空無人民美田棄而莫墾發

漢書劉屈氂傳云興中州內郡漢書司馬相如傳大

美田以利子弟賓客人賦云在乎中州顏

師古注中州中國也規地拓與拓境不能半舊作生

內郡注見救邊篇同

改邊而口戶百萬疑倒田畝一全王先生云全當作

金謂直貴也古以

一斤爲一金繼培按一蓋不字之壤管子禁藏篇云
戶籍田結者所以知貧富之不訾也故善者必先知
其田乃知其人田備然後民人衆地荒無所容足荒

可足也不全卽不備之謂

爲狹商子算地篇云地狹而民衆者民勝其地來民

篇云七狹而民衆史記貨殖傳云地小人衆又云土

地小狹民人衆鹽鐵論園池篇云三輔迫近於山河
地狹人衆皆其證也通典一引崔實政論云今青齊

兗冀人稠土狹不足相供而三輔左右及涼幽州內
附近郡皆土曠人稀厥田宜稼悉不肯墾今宜徙貧
民不能自業者於寬地此亦開草闢土振民此亦偏
之術也晏子春秋雜下云不得容足而寓焉

枯蹙瘁之類也周書曰土多人少莫出其材是謂虛

土可襲伐也土少人衆民非其民可匱舊作竭也是

故土地人民必相稱也逸周書文傳解云土多民少
非其土也土少人多非其人

也又云開望曰土廣無守可襲伐土狹無食可園竭
二禍之來不稱之災孔晁注政以人土相爲善也

禮記王制云凡居民量地以制邑度地以居民地邑
民居必參相得也尉繚子兵談篇云量土地肥瘠而
立邑建城稱地以城稱人兵以人稱粟云量土地肥瘠而
以固守外可以戰勝商子來民篇云地方百里者山
陵處什一藪澤處什一良田處什一四口此食作夫五萬
處什一惡田處什一良田處什一四口此食作夫五萬
其山陵藪谷藪澤可以給其材都邑蹊道足以處其
民先王制土分民之律也今秦之地方千里者五而
穀土不能處二田數不滿百萬其藪澤蹊谷名山
大川之材物貨寶又不盡為用此人不稱土也
今邊郡多害而役劇後漢書和帝紀永元十三年詔曰
動入禍門史記趙世家李兌曰不為興利除害有以

勸之則長無與復之而內

舊作

有寇戎之心

管子法

期於興利除害治國篇云先王者善為民除害興利
故天下之民歸之所謂興利者利農事也所謂除害
者禁害農事也農事勝則入粟多入粟多則國富國
富則安鄉重家安鄉重家則雖變俗易習易習毀衆移民

至於殺之而民不惡也此務粟之功也上不利農則粟少粟少則人貧人貧則輕家輕家則易去易去則上令不能必行上令不能必行則禁不能必止禁不能必止則戰不必累世不復方今郡國田野有隴而不墾城郭有宇而不實邊郡何饒之有乎漢書嚴助傳淮南王安上書云四年不登五年復蝗民生未復徐樂傳云間者關東五穀數不登年歲未復民多窮困重之以邊境之事推數循理而觀之民宜有不安其處者矣不安故易動易動者土崩之兆也鼂錯傳云陛下不教則邊民絕望而有降敵之心西羌北虜必生聞欲誠大憂也

百工制器咸填其邊散之兼倍豈有私哉乃所以固其內爾先聖制法亦務實邊蓋以安中國也譬猶家

人遇寇賊者必使老小羸軟居其中央丁彊武猛衛

其外

白虎通五行篇云丁者強也論衡無形篇云身氣丁彊

內人奉其養外人

禦其難蛩蛩距虛更相恃仰乃俱安存

呂氏春秋不廣篇云北方

有獸名曰蹶鼠前而兔後趨則踰走則顛常為蛩蛩走爾雅釋地作叩叩虛韓非子外儲說左上云不恃仰人而食新書道德說云物莫不仰恃德論衡感類篇云功無大小德無多少詔書法令二十萬口邊人須仰恃賴之者則為美矣

郡十萬歲舉孝廉一人員除世舉廉吏一人

詔書以下文有

脫誤按後漢書丁鴻傳云永元四年代袁安為司徒時大郡口五六十萬舉孝廉二人小郡口二十萬并有蠻夷者亦舉二人帝以為不均下公卿會議鴻與司空劉方上言凡口率二十萬口歲舉孝廉一人四十萬得為數自今郡國率二十萬口歲舉孝廉一人四十萬二人六十萬三人八十萬四人百萬五人百二十萬六人不滿二十萬二歲一人不滿十萬三歲一人帝從之和帝紀永元十三年詔曰幽并涼州戶口率少邊役衆劇束修良吏進仕路狹撫接夷狄以人為本其令緣邊郡口十萬以上歲舉孝廉一人不滿十

漢書

萬二歲舉一人五萬
以下三歲舉一人
羌反以來戶口減少又數易太

守至十歲不得舉當職勤勞而不錄
毛詩卷耳序云知臣下之勤勞

汝墳鄭箋云賢者
賢俊蓄積而不悉
不字舊脫据程本補新語術事

篇云道術蓄積而不舒吳越春秋
衣冠無所覬望
漢書

杜周傳云衣冠謂欽為盲杜子夏顏師古注衣冠謂
士大夫也說文云覬欽幸也小爾雅廣言云覬望也

農夫無所貪利是以逐稼中災莫肯就外古之利其

民誘之以利弗脅以刑
利其民之利當為理理治也襄廿六年左傳云古之治民

者勸賞而畏刑杜注
易曰先王以省方觀民設教
象觀

辭是故建武初
後漢光武紀元得邊郡戶雖數百令歲舉孝

廉以召來人今誠宜權時令邊郡舉孝一人廉吏世

舉一人益置明經百石一人內郡人將妻子來占著

占舊作召史記田叔傳云因占著名數家於武功索隱云言卜日而自占著家口名數隸於武功猶今附籍然也漢書宣帝紀地節三年詔曰流民自占八萬餘口顏師古注占者謂自隱度其戶口而著名籍也二家說占字各異顏氏得之五歲以上與居民同均皆得選舉又

募運民耕邊入穀遠郡千斛近郡二千斛拜爵五大

夫漢書百官公卿表云爵九級五大可不欲爵者使食倍賈於內郡

可蓋其之誤賈讀為價墨子號令篇云牧粟米布錢金出內畜產皆為平直其賈與主人券書之事已皆各以其賈倍償之又用其賈貴賤多少賜爵欲為吏者許之其不欲為吏而欲以受賜賞爵祿若贖士親戚所知罪人者以令如此君子小人各有所利則雖

欲令無往弗能止也此均二字舊例苦樂平徭役充邊境

潛夫論
安中國之要術也

潛夫論卷第五終

潛夫論卷第六

蕭山汪繼培箋

卜列第二十五

天地開闢有神民神異業精氣通

御覽一引尚書中候云天地開

闢楚語觀射父云古者民神不雜民之精爽不攜貳者則明神降之在男曰覲在女曰巫是使制神之處位次主而爲之牲器時服而後使先聖之後之有光烈而敬恭明神者以爲之視使名姓之後而心率舊典者爲之宗於是乎有天地神名類物之官是謂五官各司其序不相亂也民是以能有忠信神是以能亨禍災不至求用不匱路史前紀三引此文誤以神民爲帝者名氏又以行字帶上行有招召荀子勸學讀陳耀文天中記十一嘗正之行有招召荀子勸學有招辱也行命有遭隨

莊子列禦寇篇云達大命者隨達小命者遭春秋繁露重政篇

云人始生有大命是其體也有變命存其閒者其政也政不齊則人有忿怒之志若將施危難之中而時有遭隨者神明之所接絕屬之吉凶之期天難諶斯符也遭命隨命注見論榮篇
詩大明諶今作忱漢書貢禹傳後漢書胡廣傳續漢書律歷志論春秋繁露如天之爲篇說文諶字下並與此
聖賢雖察不自專故立卜筮以質神靈禮記祭同
者聖人建陰陽天地之情立以爲易易抱龜南面天子卷見北面雖有明知之心必進斷其志焉示不敢專以尊天也史記龜策傳云君子謂夫輕卜筮無神明者悖背人道信禎祥者鬼神不得其正故書建稽疑五謀而卜筮居其二五占從其多明有而不專之道也白虎通書龜篇云聖人獨見先覩必問蓍龜何示不自專也論衡辨祟篇云聖人舉事先定於義義已定立決以下筮示不專已明與鬼神同意共指欲令衆下信用不疑卜筮篇云俗信卜筮謂卜者問天策者問地蓍神龜靈兆數報應故捨人議而就卜筮違可否而信吉凶實知篇云若著孔子稱蓍之德圓龜之知吉凶蓍草稱神龜樹靈矣

而神卦之德方以智又曰君子將有行也問焉而以

言其受命而嚮

並易繫辭上傳而嚮而字王弼本作如古通

是以禹之得

臯陶文王之取呂尚皆兆告其象卜底其思以成其

吉

六韜文師篇云文王將田史編布卜曰田於渭陽將大得焉非龍非影非虎非熊兆得公侯天遺汝

師以之佐昌施及三王文王曰兆致是乎史編曰編之太祖史瞻為禹占得臯陶兆比於此文王乃齋三日田於渭陽卒見太公坐茅以漁乃載與俱歸立為師宋書符瑞志上史編作史徧云王至於磻溪之水呂尚釣於涯王下趨拜曰望公七年乃今見光景於斯按志所言皆本緯書夫君子聞善

則勸樂而進

脫一字

聞惡則循

當作修

省而改尤故安靜

而多福小人聞善

下脫六字

聞惡

仁字補

卽懾懼而妄為故

狂躁而多禍是故凡卜筮者蓋所問吉凶之情言興

衰之期令人修身慎行以迎福也

漢書王貢兩龔鮑傳序云嚴君平卜

筮於成都市以為卜筮者賤業而可以惠衆人有邪

惡非正之問則依著龜為言利害與人子言依於孝

與人弟言依於順與人臣言依於忠各

因執導之以善從吾言者已過半矣且聖王之立

卜筮也不違民以為吉不專任以斷事

論衡卜筮篇云世人言卜

筮者多得誠實者寡論者或謂著龜可以參事不可純用故鴻範之占大同是尚

鴻今書又曰假爾元龜罔敢知吉

作洪書西伯戡黎假爾

本紀作假人禮記曲禮云假爾秦龜有常詩云我龜既厭不我告猶

小從

此觀之著龜之情儻有隨時儉易

易繫辭上傳云辭有險易釋文引京

房注險惡也易善也古字險儉通用易屯卦動乎險

中隸釋劉修碑作儉否卦儉德李鼎祚周易集解引

虞翻曰儉或作險襄廿九年左不以誠耶將世無史

傳險而易行史記吳世家作儉

傳險而易行史記吳世家作儉

蘇之材

傳十五

識神者少乎及周史之筮敬仲

莊廿二年

左

傳莊叔之筮穆子

昭五年

可謂能探賾索隱鈎深致

遠者矣

易繫辭

使獻公早納史蘇之言穆子宿備莊

叔之戒則驪姬豎牛之讒亦將無由而入無破國危

身之禍也聖人甚重卜筮然不疑之事亦不問也

桓

一年左傳云卜以決疑不疑何卜

甚敬祭祀非禮之所亦不為也

禮

曲禮云非其所祭而祭之

名曰淫祀故曰聖人不煩卜筮

哀十八年左傳敬鬼

神而遠之

論

夫鬼神與人殊氣異務非有事故何奈

於我

史記吳世家專諸曰是無奈我何

故孔子善楚昭之不祀河

哀

年左

而惡季氏之旅泰山

論

今俗人筮

疑

於卜筮而

祭非其鬼

論語云非其鬼而祭之諂也

豈不惑哉亦有妄傳姓於

五音設五宅之符第

論衡諸術篇云五音之家用口調姓名及字用姓定其家用名

正其字口有張歛聲有外內以定五音宮商之實又云圖宅術曰宅有八術以六甲之名數而第之第定

名立宮商殊別宅有五音姓有五聲宅不宜其姓姓與宅相賊則疾病死亡犯罪遇禍王先生云傳當作

傳其為誣也甚矣古有陰陽然後有五行

春秋繁露五行相生

儒云天地之氣合而為一分為陰陽判為四時五行相生

右據行氣

家語五帝篇孔子曰昔某也聞諸耆老曰天有五帝五行木火金水土分時化育以成萬

物其神謂之五帝釋名釋天云五行者五氣也白虎通五行篇云言行者欲言為天行氣之義也王先生

云右疑當作各繼培按各字是也

以生人民

禮記大漢書律歷志云三代各據一統以生人民傳云王

者禘其祖之所自出以其祖配之鄭注王者之先祖皆感太微五帝之精以生蒼則靈威仰赤則赤熛怒

黃則含樞紐白則白招拒黑則汁光紀疏云蒼則靈
威仰至汁光紀者春秋文耀鉤文宣三年公羊傳何
休注上帝五帝在太微之中迭生子孫更載世遠乃
王天下疏云此五帝者即靈威仰之屬

有姓名敬民敬民蓋號名字者蓋所以別衆猥而顯

此人爾非以紀舊作絕五音而定剛柔也今俗人不能

推紀本祖而反欲以聲音言語定五行誤莫甚焉論衡

詰術篇云人之有姓者用稟於天得五行之氣為
姓邪以口張歛聲外內為姓也如以本所稟於天者
為姓若五穀萬物稟氣矣何故夫魚處水而生莊子
至樂

篇鳥據巢而卵即之駁文不推其本祖諧音而可

即與則呼鳥為魚可內讀為之水平呼魚為鳥可棲

之木邪說文云西鳥在巢
上或从木妻作棲此不然之事也命駒曰犢

終必

舊作不

爲馬是故凡姓之有音也必隨其本生祖

所王也太皞木精承歲而王夫其子孫咸當爲角神

農火精承熒惑而王夫其子孫咸當爲徵黃帝土精

承鎮而王夫其子孫咸當爲宮少皞金精承太白而

王夫其子孫咸當爲商顓頊水精承辰而王夫其子

孫咸當爲羽

漢書律歷志云五星之合於五行水合於歲星土合於鎮星御覽五引尚書考靈樞云歲星

木精熒惑火精鎮星土精太白金精辰星水精也開

元占經十九引春秋運斗樞云歲星帥五精聚於東方

七宿蒼帝以仁夏溫讓起熒惑帥五精聚於南方

黃帝以重厚賢聖起太白帥五精聚於西方七宿白

帝以勇武誠信多節義起辰星帥五精聚於北

雖號

百變音行不易俗工又曰商家之宅宜出西門論衡

篇云圖宅術曰商家門不宜南向徵家門不宜北向則商金南方火也徵火北方水也水勝火火賊金五行

行之氣不相得故五姓之宅門有宜嚮嚮得其宜富貴吉昌嚮失其宜貧賤衰耗此復虛矣

五行當出乘其勝入居其隩乃安吉商家向東入有文

脫東入反以為金伐木則家中精神日戰鬪也五行

皆然又曰宅有宮商之第直符之歲論衡謂時篇云太歲在子子宅

直符午宅為破既然者於舊作其上增損門數即可以變其

音而過其符耶今一宅也同姓相代或吉或凶一官

也同姓相代或遷或免一宮也成康居之日以興幽

厲居之日以衰由此觀之吉凶興衰不在宅明矣論衡

諸術篇云今屬廷之內吏舍連屬門嚮有南北長吏舍傳聞居有東西長吏之姓必有宮商諸吏之舍必有徵羽安官遷徙未必角姓門南嚮及諸神祇太歲也失位貶黜未必商姓門北出也

豐隆鈞陳太陰將軍之屬韓非子節邪篇云豐隆五行太乙王相攝提六神五

括天河殷搶歲星王遙離騷注云豐隆雷師漢書揚雄傳云詔招搖與太陰分伏鈞陳紫宮外營陳

陰歲後三辰也服虔曰鈞陳紫宮外營陳此乃天吏星按抱朴子登涉篇有諸臯太陰將軍

非細民所當事也天之有此神也皆所以奉成陰陽

而利物也漢書律歷志云萬物樣通族出於寅人奉字說文云利裁也从刀从未利利字形相近而誤

若人治之有牧守令長矣

向之何怒背之何怨君民道近不宜相責况神致貴

與人異禮豈可望乎論衡譏日篇云堪輿歷歷上諸神非一聖人不言諸子不傳始

無其實天道難知假令有之諸神用事之日也忌之何福不諱何禍王者以甲子之日舉事民亦用之王者問之不刑法也夫王者不怒民不與已相避天神何為獨當責之說文云謹責望也經典通作望且欲使人而避鬼是即道路不可行而室廬不復居也

此謂賢人君子秉心方直精神堅固者也

詩定之方中云秉心

寒淵毛傳秉操也淮南子紀論訓云聖人心中志至易精神內守物莫足以惑之魯語云血氣強固

如世俗小人醜妾婢婦

禮記曲禮鄭注婢之言界也

淺陋愚戇漸

染既成又數揚精破膽今不順精誠所向

莊子漁父篇云真者

精誠之至也不精不誠不能動人論衡感虛篇云精誠所加金石為虧而彊之以其所

畏直亦增病爾何以明其然也夫人之所以為人者

非以此八尺之身也

考工記云人長八尺說文云丈夫也周制以八寸為尺十尺

爲丈人長八尺故曰丈夫乃以其有精神也人有恐怖死者非病

之所加也非人功之所辜也句有誤字然而至於遂不損

者損謂病減也後漢書袁安後閔傳云封觀當舉孝廉以兄名位未顯遂稱風疾後數年兄得舉觀乃

稱損方不言云斟益也凡病少愈而加劇精誠去之也

亦謂之不斟郭注言雖少損無所益也

漢書東方朔傳云孟賁狎猛虎而不惶舊作蓋奔狎精神散而邪氣及

按韓非子守道篇云服虎而不以狎此賁育之所患

意與此背荀子臣道篇云狎虎則危災及其身論衡

遭虎篇亦云夫虎山林之獸不嬰人畏螻蟻而發聞

狎之物也廣雅釋詁云惶懼也

王曰夫秦卒之與山東之卒也猶孟賁之與怯夫也

也是亦孟賁嬰兒對舉之證

今通士荀子不苟篇云物至而應

事起而辨若是則可謂通士矣淮南或欲彊羸病之

子修務訓云通士者不必孔墨之類

愚人

禮記問喪云身病體羸憊非子十過篇云士大夫羸病

必之其所不能

大戴

禮曾子立事篇云彊其所不能

吾又恐其未盡善也

論語云未盡善也

移風

易俗之本乃在開其心而正其精今民生不見正道

而長於邪淫誑惑之中其信之也難卒

讀為粹

解也惟

王者能變之

漢書地理志云孔子曰移風易俗莫善於樂言聖王在上統理人倫必務其本

而易其末淮南子泰族訓云誠決其善志防其邪心啓其善道塞其姦路與同出一道則民性可善而風

俗可美也

巫列第二十六

凡人吉凶以行為主以命為決行者已之質也命者

天之制也

白虎通壽命篇云命者何謂也人之壽也天命已使生者也

在於已者

固可爲也在於天者不可知也巫覡祝請亦其助也

然非德不行巫史所祝者蓋所以交鬼神而救細微

爾至於大命

哀十五年左傳云大命隕墜

末如之何

論語云吾末如之何也已

矣警民人之請謁於吏矣可以解微過不能脫正罪

設有人於此

孟子云有人於此

晝夜慢侮君父之教干犯先

王之禁不克已心思改過

脫一字

善而苟驟發請謁以

求解免必不幾矣

幾請爲冀

不若修已小心畏慎無犯上

之必令也

必令疑倒述赦篇云姦軌之滅十八九可勝必也卽其例或云必令謂罰嚴而必也

故孔子不聽子路而云上之禱久矣

論語

孝經云夫然

故生則親安之祭則鬼享之由此觀之德義無違鬼

舊神乃享鬼神受享福祚乃隆昭廿年左傳云鬼神用享國受其福故

詩云降福穰穰降福簡簡威儀板板既醉既飽福祿

來反詩執競板板今作反反此言人德義美茂神歆享醉飽乃

反報之以福也虢公舊脫延神而亟亡莊卅二年左傳趙嬰祭

天而速滅成五年左傳此蓋所謂神不歆其祀民不即其

事也昭元年左傳故魯史書曰國將興聽於民將亡聽於

神莊卅二年左傳楚昭不穰雲哀六年左傳宋景不移咎呂氏春秋制樂

篇子產距禰皐昭十七年左傳邾文公違卜史文十三年左傳此皆

審已知道身以俟命者也禮記中庸云君子居易以俟命身上脫一字當是修

身以俟之孟子云夭壽不貳修所以立命也晏平仲有言視有益也詛亦

身以俟之孟子云夭壽不貳修所以立命也晏平仲有言視有益也詛亦

有損也昭廿年左傳季梁之諫隋侯桓六年左傳宮之奇說虞

公僖五年左傳可謂明乎天人之道達乎神民之分矣夫

妖不勝德史記殷本紀伊陟曰臣聞妖不勝德耶不伐正淮南子繆稱訓云正身直

行衆耶自息天之經也孝經雖時有違然智者守其正道而

不近於淫鬼所謂淫鬼者閑邪精物史記留侯世家贊云學者多言

無鬼神然言有物齊悼惠王世家魏勃少時欲求見齊相曹參家貧無以自通乃常獨早夜掃齊相舍人

門外相舍人怪之以為物而伺之索隱姚氏云物怪物說文云姦收大剛卯也以逐精鬼漢書藝文志雜

占類有人鬼精物六音變怪二十一卷非有守司真神靈也大戴禮會子天員篇

云陽之精氣曰神陰之精氣曰靈神靈者品物之本也鬼之有此猶人之有姦

言賣平以干求者也賣平以市道為喻周禮小宰聽賣買以質劑鄭司農云質劑謂

市中平賈今時月平是也漢書食貨志云諸司市常以四時中月實定所掌爲物上中下之賈各自用爲其市平法言學行篇云一關之市必立之平李軌注市無平必失貴賤之正鹽鐵論本議篇云開委府於京以籠貨物賤卽買貴則賣是以縣官不失實商賈無所賈利故曰平準禁耕籍云山海有禁而民不傾貴賤有平而民不疑縣官設衡立準人從所欲雖使五尺童子適市莫之能欺今罷去之則豪民擅其利而專其利決市閭巷高下在口吻貴賤無常本議篇又云行姦賣平農民重苦賣平卽所謂高下在口吻也續漢書五行志云桓帝之初京都童謠曰游平賣印自有平不辟賢豪及大姓後漢書竇武傳章懷注引平作評蓋勳傳注引續漢書云中平元年黃巾賊起故武威太守酒泉黃雋被徵失期梁鵠欲奏誅雋勳爲言得免雋以黃金二十斤謝勳勳謂雋曰吾以子罪在八議故爲子言吾豈賣評哉終辭不受評與平同郭太後許劭傳劭與從兄靖俱有高名好共覈論鄉黨人物每月輒更其品題故汝南俗有月旦評焉月旦評亦取月平之義漢時市列每若或誘之說月評定貴賤如今時朔望有長落矣

云羨相誅呼也或从言秀則遠來不止而終必有咎宣十二年左傳云必有大

咎鬼神亦然故申繻曰人之所忌其氣炎以取之人

無費焉妖不自作莊十四年左傳炎正義本作燄釋文作炎顏師古曰炎讀與燄同風俗通過譽篇亦云人所忌炎自取之續漢書五行志贊云妖豈或妄氣

此傳文也是謂人不可多忌多忌妄畏實致妖祥

且人有爵位鬼神有尊卑天地山川社稷五祀禮記

云天子祭天地諸侯祭社稷大夫祭五祀天子祭天下名山大川諸侯祭名山大川之在其地者百

辟卿士有功於民者禮記月令云命百縣等祀百辟卿士有益於民者祭法云此皆

有功烈於民者也天子諸侯所命祀也倍間一年左傳云不

命若乃巫覡之謂獨語小人之所望畏土公飛尸咎

祀

魅北君銜聚當路直符七神

論術解除篇云宅中主神有十二焉青龍白虎

列十二位龍虎猛神天之正

及民間繕治微蔑小禁

本非天王所當憚也

後漢書來歙後歷傳云皇太子驚病不安避幸安帝乳母野王

君王聖舍太子乳母王男尉監邢吉等以為聖舍新繕修犯土禁不可久御鍾離意傳章懷注引東觀記

日意在堂邑出俸錢師人作屋功作既畢為解土祝

日與功役者令百姓無事如有禍祟令自當之論術

解除篇云世間繕治宅舍繫地掘土功成作畢解謝

土神名曰解土為土偶人以像鬼形令巫祝延以解

土神已祭之後心快意喜

謂鬼神解謝殃禍除去

舊時京師不防動功造禁

以來吉祥應瑞

漢書車千秋傳云每有吉祥嘉應數

福應吉瑞累仍按應瑞

子孫昌熾

詩閟宮云俾爾昌而熾後漢書西南

夷傳朱輔上遠夷樂

不能過前且夫以君畏臣以上

德歌詩云子孫昌熾

卷六

附錄

需下則必示弱而取陵

傳八年左傳云示之弱

非致福之招也

易震彖曰震來虩虩恐致福也周禮男巫招弭以除疾病鄭注招招福也

嘗觀上記

注見思賢篇

人君身修正

漢書匡衡傳云聖德純備莫不修正賈山

傳顏師古注修正謂修身正行者宜

賞罰明者國治

而民安民安樂者天悅喜而增歷數故書曰王以小

民受天永命

召

孔子曰天之所助者順也人之所助

也信也履信思乎順又以尚賢是以自天祐之吉無

不利

易繫辭上傳

此最卻凶災而致福善之本也

漢書李尋傳云

凶災銷滅子孫之福不旋日而至治要載仲長統昌言云王者官人無私唯賢是親勤恤政事屢省功臣賞錫期於功勞刑罰歸乎衆惡政平民安各得其所以則天地將自從我而正矣休祥將自應我而集矣惡

物將自舍我而亡矣意與此同

相列第二十七

詩所謂天生烝民有物有則民是故人身體形貌皆

有象類

春秋繁露人副天數篇云人有三百六十節偶天之數也刑體骨肉偶地之厚也上有耳目

聰明日月之象也體有空竅理脈川谷之象也心有哀樂喜怒神氣之類也淮南子精神訓云頭之圓也象天足之方也象地骨法角肉各有分部以著性命之期顯

貴賤之表

論衡骨相篇云人命稟於天則有表候於體察表候以知命猶察斗斛以知容矣表

候者骨法之謂也又云貴賤貧富命也操行清濁性也非徒命有骨法性亦有骨法又云知命之人見富貴於貧賤賤賤於富貴按骨節之法一人之身而

五行八卦之氣具焉

易乾鑿度孔子曰八卦之序成

卦之體得五氣以為五常按五氣五行之氣論衡物

勢篇云一人之身含五行之氣故一人之行有五常

之操五常五故師曠曰赤色不壽火家性易滅也

行之道也書太子晉解云汝易之說卦巽為人多白眼相揚四

色赤白火色不壽易之說卦巽為人多白眼相揚四

白者兵死此猶金伐木也王先生云四白謂睛之上

白服也相婦人法目有四白五經曰近取諸身遠取

夫守宅見唐書方技袁天綱傳經曰近取諸身遠取

諸物易繫辭聖人有見天下之至賾而擬諸形容象

其物宜繫辭下傳王本有下有以此亦賢人之所察

紀往以知來而著為憲則也人之相法或在面部或

在手足或在行步或在聲響論衡骨相篇云相或在

在聲面部欲溥平潤澤王先生云手是欲深細明直

氣溥當作博

在聲面部欲溥平潤澤王先生云手是欲深細明直

氣溥當作博

在聲面部欲溥平潤澤王先生云手是欲深細明直

氣溥當作博

行步欲安穩覆載

按安穩古作安隱隱亦安也詩緜鄭箋云民心定乃安隱其居三國

志武帝傳裴松之注引鄭康成盤庚注云安隱於其

衆董卓傳注引華嶠漢書曰卓欲遷都長安召公卿

以下大議司徒楊彪曰昔盤庚五遷殷民胥怨故作

三篇以曉天下之士而海內安穩安穩與安隱同成

二年左傳韓厥俯定其右杜注徐安隱之莊子音聲

應帝王篇其臥徐徐司馬彪注徐徐安隱貌

欲溫和中宮頭而手足身形骨節皆欲相副稱此其

畧要也夫骨法爲祿相表氣色爲吉凶候

荀子非相篇云相人

之形狀顏色而知其吉凶妖祥論衡自然篇云吉凶

蜚色見於面人不能爲色自發也自紀篇云人面色

部七十有餘頰肌明潔五色分別隱微

憂喜皆可得察占射之者十不失一

部位爲年時

脫一

德行爲三者招天授性命決然表有顯微色有

字

濃淡行有薄厚命有去就是以吉凶期會祿位成敗

有不

下有不脫字

非聰明慧智

禮記中庸云惟天下至聖為能聰明叡智用心

精密孰能以中昔內史叔服過魯公孫敖

孫舊作妖

妖當是姓字之誤古者孫姓通用詩麟之趾振振公姓毛傳公姓公孫也

聞其能相人也

而見其二子焉叔服曰穀也食子難也收子穀也豐

下必有後於魯

文元年左傳

及穆伯之老也文伯居養其

死也惠叔典哭

文十四年左傳王侍郎云典哭疑典喪繼培按喪字是也漢書武五子傳

霍光徵王賀典喪顏師古注令為喪主

魯竟立獻子

穀之子

以續孟氏之

後及王孫說相喬如

周子禮記玉藻鄭注

幾猶察也

子文憂越椒

宣四年左傳

叔姬惡食我

昭廿八年左傳單襄

公察晉厲

周子

貢觀邾魯

定十五年左傳

臧文藝禦說

莊十一年

左傳陳咸見張張下脫一字程本作空格漢書有兩陳咸一陳萬年子見萬年傳一王莽時講

禮祭酒賢人達士漢書王商史丹傳喜傳贊察以善見莽傳

心無不中矣及唐舉之相李兌蔡澤史記蔡澤傳許負之

相鄧通條侯條侯事見史記絳侯世家倭幸傳云上使善相者相通不云許負此當別有所

據雖司命班祿追敘行事弗能過也雖然人之有骨

法也猶萬物之有種類材木之有常宜巧匠因象韓

子有度篇云巧匠目意中繩各有所授曲者宜為輪直者宜為輿

檀宜作輻榆宜作轂舊脫輪直者宜為五字按御覽九百五十二引崔實政論云師

曠曰人骨法猶木有宜曲者為輪直此其正法通率

也者為輿檀宜作輻榆宜作轂今據補此其正法通率也論云不可為天下通率政若有其質而工不材材

裁同晉語云童昏器瘠可如何故凡相者能期其所

極不能使之必至十種之地也舊作膏壤雖肥弗耕不

獲易无妄六二不耕獲詩甫田毛傳千里之馬骨法

雖具弗策不致後漢書馬援傳云昔有騏驎一日千

子與亦明相法子與傳西河儀長孺傳茂陵丁

君都君都傳成紀楊子阿臣援嘗師事子阿受相馬

骨法考之於行事輒有驗效尉繚夫觚而弗琢不成

子武議篇云良馬無策遠道不致夫觚而弗琢不成

於器鹽鐵論殊路篇云孔子曰觚不觚哉觚哉士

而弗仕不成於位若此者天地所不能貴賤鬼神所

不能貧富也或王公孫子仕宦終老不至於穀論語

三年學不至於穀不易得也孔安國注穀善也或庶

釋文引鄭康成注穀祿也此亦常訓穀為祿

隸斯賤無故騰躍漢書食貨志云物痛騰躍窮極爵位此受天性

命常必然者也詩稱天難忱斯忱卜列篇作謹此蓋

性命之質德行之招質招皆以射的為喻周禮司裘

其鵠鄭司農云方十尺曰侯四尺曰鵠二尺曰正四

寸曰質淮南子原道訓云先者則後者之弓矢質的

也高誘注質的射者之準藝也呂氏春秋本生篇云

萬人操弓其射其一招高誘注招準的也盡數篇云

射而不中反修於招何益於中別類篇云射招者

欲其中小也高注並云招準藝也質準準同字

錯授受脫不易者也然其大要骨法為主氣色為候

史記淮陰侯傳蒯通曰僕嘗受相人五色之見王廢

之時舊脫按夢列篇云五行王相謂之時今據補時

云五色並以四時判之春三月青色王赤色相白經

因黃黑二色皆死夏三月赤色王白色黃赤色相白經

李氏命卷六

色死黑色囚秋三月白色王黑色相赤色死青黃二
色皆囚冬三月黑色王青色相白色死黃與赤二色
囚若得其時色王相若囚死者凶智者見祥修善迎之其
得其時色王相若囚死者凶智者見祥修善迎之其
有憂色循當作修行改尤愚者反戾不自省思雖休徵
見禍福轉爲災於戲君子可不敬哉

潛夫論卷第六終